

2112

Григорьев С.
Продолжение Губина.

84
4-73

Г. Григорьев
1924.

ԿԻՒԹԷՄՊԵՐԿ ՄԱՏԵՆՍՇԱՐ

ԹԻԻ 43

ՀԻՄՆՈՒԹԱՆՔ 1909 Կ. ՊՈՒԼՍ

Այսին աջ Այոյինս

ԱՄԻԱԿԱՆ ՊԱՏՄՈՒԹԻՒՆՆԵՐ

ԹԻՒՐԻՄԷՆՆԵՐՈՒ ԿՈՒԻԸ

(ՂՈՒԼԱՄ ՀԻՄՆԵՆԻ ԱՐԿԱՇՆԵՐԸ)

Ա. ՊԱՏՄՈՒԹՅՔ



ՏՊԱԳՐ. ԿԻՒԹԷՄՊԵՐԿ
ԳՐԱԳԱՅՈՒՆ - ՄԱՏՍԻ
Կ. ՊՈՒԼՍ
1924

2003

ԳԻՆ 30 ՂՐՇ.

0011

ԿԻԹԵՄՊԵՐԿ ՄԱՏԵՆՈՇԱՐ

ԹԻԻ 43

4-73
ԿՈՄՍ ՏՔ ԿՕՊԻՆՕ

ԱՄԻԱԿԱՆ ՊԱՏՄՈՒԹԻՒՆՆԵՐ

ԹԻԻՐՔՄԷՆՆԵՐՈՒ ԿՈՒԻԸ

(ՂՈՒԼԱՄ ՇԻՍԷԻՆԻ ԱՐԿԱԾՆԵՐԸ)

Ա. ՊԱՏՄՈՒԱԾՔ



Տպագր. ԿԻԹԵՄՊԵՐԿ
Կ. Մազասեան եւ ԸՆԿ.

Կ. ՊՈԼԻՍ

1924

27376-43



6302-57

ԹԵՐՅՈՂՆԵՐՈՒՆ

օգէֆ-Արթուր, Կոմս աք Կօպինօ, 1816ին ծնած է Պօռտօ ն մեռած է Թիւրքէնի մէջ: Կանուիւն մտած է գիււանա- եան մէջ ու 1851ին Պէւնի, յետոյ Հանովրի. և 1854-58ի այ Պարսկաստանի Ֆրանսական Հիւպատոսարանի քար- ութեան պաշտօնը վարած է: 1862-64 լիազօր ներկայա- րդած է նորէն Պարսկաստանի մէջ: Աթէնքի մէջ ներկա- ծ է Ֆրանսական կառավարութիւնը, յետոյ 1868ին Ռիօ- յրօի մէջ. և վերջապէս 1872-77 տարիներն ալ Սթօք- ցուցած է նոյն պաշտօնով:

Քաղմաթիւ գործերուն մէջ ամէնէն կարեւորներն են 1. Ասիոյ մէջ (1859), Աեղրոնական Ասիոյ կրօն- փիլիսոփայութիւնները (1865), Տարեք սեպագիր սգրութեանց (1864), Փորձ ցեղերու անհաւասա- ն սկզբունքին վրայ (1854), Իր գլխաւոր երկը, Պար- սմութիւնը (1869) և այլն, և այլն:

Հպէս կը տեսնուի, բեղուն կեանք մը անցուցած է Կոմս նօ: Իր գործը եղական արտադրութիւն մըն է և ինքը որու ամէնէն հետաքրքրական հանձարներէն մին: Քօան նին սկսած է գրելու և մինչեւ մահը գրիչը երբեք ձեռ- նցած: Վէպեր, արձանագրութեանց ուսումնասիրութիւն, ժողովուրդներու պատմութիւն, քնարական քերթ- հնախօսութիւն, ուղեւորական նկարագրութիւններ, ական փիլիսոփայութիւն, բոլոր ասոնք խանդավառած և ամէն այս սեռերուն մէջ իր արտակարգ երեւակա- յի, իր հանրագիտակ հմտութիւնը առաջնակարգ գործեր լու կարող բրած է զինքը:

Ոնց վրայ աւելցուցէք նաեւ ամէնէն տարաշխարհիկ եր- աշխարհի երիտասարդութիւնը ներկայացնող ամէնէն ուն, ամէնէն շքեղ հորիզոններուն մէջ տեսական պը- զորս գիտնականի և միանգամայն բանաստեղծի աչքե- սնչելիորէն կազմակերպուած ուղեգով և ինքնատիպ ապահով ճաշակով գիտ և ուսումնասիրած է:

Ական պատմութիւնները որու լաւագոյն կտորներէն մին անցնէք այսօր հայ ընթերցողին, Կօպինոյի տաղանդին ա-

մէնէն ժողովուն մէկ երեսը կը կազմեն: Օտար տեսարանները, հրապոյրը, նկարագրերնեքու ուսումնասիրութեան մէջ տեսնու զարմանալի արուեստը, անոնց սուր ու ցուրտ հոգեբանութիւնը, և մանաւանդ անոր խայթող ոճին մոգիչ հրապոյրը - ամբողջովին կը գերեն ընթերցողը:

Արեւելքի մասին ունեցած իր անսահման սերը յայտնի է արւ գէն այս պատմութիւններէն մէկուն: Ուղեւորական կիսակներին մէջ: Անիկա գունաւոր մէկ նկարագրութիւնն է այն անհուն կարաւաններու կեանքին, որոնք էրզրումէն Դաւրէժ կ'երթային կուգային շարունակ: Արեւելքի բոլոր այլազան տիպարները կային անոնց մէջ. սաթէ համրիչը ձեռքերնին թուրքեր, Հայեր, Հրեաներ, Եէզիտիներ, Ասորիներ: Բազմաթիւ քիլոմէթր երկայնութեամբ կը տարածուէին այս կարաւանները, ձիերու, ջորիներու, ուղտերու ամբողջ երամակներով ընկերացած, զորս կլոր կամ գլանաձեւ փափախներով պահապաններ կը վարէին:

Ահաւասիկ այս եղական գործն է որ մտադրած ենք հետզհետէ հրատարակել, վստահ ըլլալով որ ջերմ ընդունելութեան պիտի արժանանայ ընթերցասէր հասարակութեան կողմէ:

“ԿԻՒԹԻՄՊԷՐԿ ՄԱՏԵՆԱՇՄԱՐ”



ԱՍԻԱԿԱՆ ՊԱՏՄՈՒԹԻՒՆՆԵՐ

ԹԻՒՐԿՄԷՆՆԵՐՈՒ ԿՈՒՒԸ

(ՂՈՒԼԱՄ - ՀԻՒՍԷՒՆԻ ԱՐԵԱՎՆԵՐԸ)

ԱՆՈՒՆՍ ՂՈՒԼԱՄ-ՀԻՒՍԷՒՆ Է, բայց որովհետեւ մեծ հօրս անունն ալ միեւնոյնն էր, և բնականաբար, ամէն անգամ որ ատուին մէջ անոր մասին խօսք ըլլար, ծըղքս միշտ «Ազան» կ'ըսէին, զիս ալ միշտ Ազա կը յէին, ի յարգանս ընտանիքին պետին, որուն անուկարելի չէր թեթեւօրէն արտասանել: Այս կերպով որ ես ալ Ազա կը կոչուիմ, ինչպէս աշխարհի մէջ անցած անհամար հայրենակիցներս, որոնք պարզապէս մեծ հօրերուն անունը, օրինակ՝ Ալի, Հասն, Մուհամմէտ կրկնուն, Ազա կը կոչուին: Այս, Ազա եմ: Փամանակի ընթացքով, երբ բախ-

տը ժպտեցաւ ինծի, այսինքն երբ քիչ շատ նոր հագուստ մը ունեցայ և գրպանս ալ քանի մը շահի, աւելի յարմար սեպեցի «Պէյ» մըն ալ աւելցնել անուշիս վրայ: Ազա-Պէյ, գէշ չի հնչեր ականջի, չէ: Դշարատութիւնը հոն է որ, սովորաբար բախտս այնքան քիչ կը բանէր, որ շատ պարագաներու մէջ, հագուստներուս ախուր երեւոյթին առջեւ, «Պէյ» տիտղոս աներեւոյթ կ'ըլլար, ու կը դառնայի պարզ Պապա-Ազա մը: Ստոր ալ ճարը գտայ: Երբ պարագաները, որոնց մէջ, իրաւ, կամքս մեծ դեր մը չէ խաղացած շատ, թոյլատրեցին որ այցելեմ Մէշէտ սուրբ քաղաքին իմամներու գերեզմանը, և կրցածիս չափ յաճախակի խմեմ մզկիթներուն ապուրը, բնական երեւցաւ ինծի անուշիս վրայ Մէշէտի, այսինքն Մէշէտի ուխտաւոր, տիտղոսն ալ աւելցնել: Այս Մէշէտին կրօնաւորի, լուրջ ու ծանրաբարոյ մարդու հով մը կուտայ: Այսպէս է որ պատիւը ունիմ ընդհանրապէս ճանչցուելու երբեմն Պապա-Մէշէտի-Ազա, երբեմն ալ, ինծի աւելի հաճոյ Մէշէտի-Ազա Պէյ անուշով: Բայց Տէրը ուղածին պէս կը տնօրինէ ամէն բան:

Կամսէյի, Ազրպէյճանի սահմանակից գաւառ մը, պղտիկ մէկ գիւղին մէջ ծնած եմ: Լեռներու ստորտը, ամենագողտրիկ ձորի մը մէջ հաստատուած է իմ գիւղս, մրմնջուն բազմաթիւ գետակներու միջեւ, որոնք ուրախութենէ ճառագելով ու փայլուն քարերուն վրայէն ոստոստելով կը վազեն կ'երթան երկար խոտերուն մէջտեղերէն: Անոնց եզերքները լեփ լեցուն են թանձր ուռիներով, այնչափ կանանչ տերեւներով, ու այնչափ կենդանի գոյներով որ հաճոյք մըն է անոնց նայիլը: Թոչունները խումբերով բոյներ շինած են անոնց մէջ ու անանկ վրէլուկ մը կը հանեն որ սիրտդ ուրախութիւնով կը զեղու: Աւելի հաճելի բան չկայ ամբողջ աշխարհի մէջ, որչափ անոնց

անձր շուքին տակ նստիլ ու աղուոր խալիան մը սշել հոտաւէտ շողիներով լեցուն: Ծա՛տ ցորեն կը ցաւին մեր գիւղը, ունէինք նաև բրինձի ու կարճ բամակի արտեր ալ, որոնց փափուկ ճիւղերը խնամքով պահպանէինք ամառուան տաքերէն, չորս առ չորս սկուած տղկազատի (ricin) ծառերով: ասոնց լայն տրեւները հովանոցներու պէս կը տարածուէին իրենց կերներու ճերմակ դուռտիկներուն վրայ: Թեհրանցի Լաթօֆի մը, այսինքն պետական խորհրդական մը, րուստ ու յարգուած անձ մը, Ապտիւլ Համիտ անունով կը պաշտպանէր մեզ, անանկ որ ու է վախւնէինք ալ իմամսէյի կառավարիչէն կամ ուրիշ ու է կէն: Երջանի՛կ, շա՛տ երջանիկ կեանք մը կ'անցուինք:

Իմ մասիս, կը խոստովանիմ որ մեծ հաճոյք մը է զգար գիւղի աշխատութիւններէն, անհունօրէն աւելի կը նախընտրէի խաղողը, սեխը, ձմերուկը կամ ղճը ուտելը քան անոնց մշակութիւնով զբաղիլը: ստճառը օա էր որ, տասնհինգ տարեկան հագիւտած, գիւղացիութենէ շատ աւելի հաճելի արհեստի ձեռք զարկեր էի արդէն: Որսորդ դարձեր էի: Կասե, հաւալայրի, սալամբ կը զարնէի, լեռները կ'երայի վիթ ու այծեամ կը հալածէի, երբեմն երբեմն պար մը կը սպաննէի, թէև մեծ կարեւորութիւն է տար ատոր, որովհետև այս կենդանին դիակի միջով սնանելու գէշ բնութիւնը ունենալուն, մէկը սիրեր անոր միտը, հետեւաբար, ծախելը դժուար ու զուր տեղը վառօղ վառնել է ատիկա զարնելը: իջ քիչ, շա՛տ հեռուները տարածեցի որսորդութիւնը: րուս չըջանակը ու մինչեւ Կիլանի անտառները եջնէի, այդ տեղի ճարպիկ նշանառուներէն, հարածը երբեք պարապը չի հանելու չափ վարժութիւն

ձեռք բերի, ու անոնց նման, ես ալ վագրի ու յովագրի որսի երթալու չափ վաստակութիւն ունեցաւ վրաս: Լաւ կենդանիներ են ասոնք ու մորթերնին բարձր գիներով կը ծախուի: Հետեւաբար, իր բախտէն վերին աստիճան գոհ, ձեռքի արհեստը հաճոյքով ի գործ դնող ու բաւական ալ գրամ շահող, ինչ որ բնականաբար ոչ հօրս ոչ ալ մօրս կ'իմացնէի, մարմը պիտի ըլլայի, եթէ, յանկարծ, սիրահարուիլս չը բռնէր, ինչ որ խերը անիծեց ամէն բանի վար գրաւ կամք Տեառն օրհնեալ եղիցի:

Տասնընորս տարու պզտիկ հօրեղբորաղջիկ մ ունէի, Լէյլա անունով: Շատ կը սիրէի անոր հանդիպելը, ու խիստ շատ անգամ ալ կը հանդիպէի, և որովհետեւ չափազանց շատ բաներ ունէինք միշտ իրարու պատմելու և շատ ալ չէինք սիրեր շտապը որ մարդ վրայ դայ, պատուական թաքստոցմը ընտրած էինք գլխաւոր գետակին եզերքը շարուած ուռիներուն մէջ ամէնէն թանձր տեղը, և ժամերով կը մնայինք հոն առանց ժամանակին երկայնութիւնը նշմարելու: Էջ առջները մեծ երջանկութիւն մը կը զգայի, բայց քիչ քիչ սկսայ այնչափ, այնչափ շատ մտածել Լէյլան որ, երբ քիչ մը ատեն չէի տեսներ զինքը, անհամբերութիւն մը, անձկութիւն մը կը զգայի ու հոս հոն կը վազվզէի զինքը գտնելու: Ասանկով էր որ գաղտնիք մը երեւան հանցի որ չարչարանքներու անդունդի մը մէջ գլորեց զիս. որովհետեւ տեսայ որ մինակ ես չէի որուն Լէյլա ժամագրութիւններ կուտար:

Այնքան անբիծ, այնքան սիրուն, բարի, այնքան գողտր աղջիկ մըն էր ան որ վայրկեան մը իսկ չի կասկածեցայ թէ անհաւատարիմ կը գտնուի ինձի հանդէպ: Կը մեռնէի եթէ այդպէս մտածէի: Բայց չափազանց տառապեցայ երբ տեսայ որ ուրիշներ ա,

կը գրադեցնէին, կը զուարճացնէին զինքը, կամ գոնէ իրաքը ինչ ուրիշ կողմ կը դարձնէին: Երկար ստածելէս յետոյ թէ, պէտք էր թէ ոչ յայտնել իրեն լիշտս, ինչ որ շատ ամօթով պիտի ձգէր զիս, և ուրոշում տալէս յետոյ թէ ցաւս պէտք էր ծածկէի իրէն, ամէն ինչ խոստովանեցայ անոր:

— Չե՞ս տեսներ, հօրեղբորաղջիկս, թէ կեանքս իր հեռանայ ինձմէ, գոչեցի օր մը, տաք տաք արտունք թափելով, թէ քանի մը օրէն գերեզման տափն պիտի գիս: Հասանին հետ կը խօսիս, Քէրիմին հետ կը խօսակցիս, Սիւլէյմանին հետ կը կատակես, և գրեթէ աչքովս տեսայ որ Ապտուլլահին թեթեւ սպտակ մը զարկիր: Գիտեմ որ մեղաւոր բաներ չեն ստոնք, թէ ամէնքն ալ ինձի պէս ազգականներդ են, թէ միմիայն զիս սիրելու համար տուած երգումներդ անկարող ես մոռնալու, և թէ վերջապէս ինձի չարարել չես ուզեր բնաւ: Բայց, բոլոր ասոնց հետ մէկտեղ, կը տառապիմ կոր ես, կը հատնի՛մ, կը մեռնի՛մ որ, մեռա՛յ, թաղուեցա՛յ, ու ալ չպիտի տեսնես զիս: Ի՞՞՞վ Լէյլա, ո՞՞՞վ իմ բարեկամուհիս, իմ սիրտս, գա՛նձս, սղձա՛ գերբիդ վրայ, չափազանց դժբաղդ է ան:

Ու կրկնապատկեցի արցունքներս, պոռացի, պոռչրտացի, գտակս գետինը զարկի, գլխուս կոռփներ իջեցուցի, ու գետին գլտորեցայ:

Յուսահատութեանս ի տես Լէյլա չափազանց ըզգածուեցաւ, ու վիզս նետուելով, աչքերս պագաւ ու յարեց:

— Աչքիս լոյսը, ներէ ինձի, մեղաւոր եմ, բայց ամէնէն նուիրական բաներով, Ալիի, Իմամներուն, Մարգարէին, Աստուծո՛յ անունով, գլխո՛ւդ վրայ երում կուտա՛մ որ ալ մէյ մըն ալ չպիտի ընեմ այդ աները, ու ապացոյց որ խօսքս պիտի բռնեմ, հիմա՛, իմա՛ պիտի երթաս հայրիկիս ու ձեռքս լսնորես...:

5

Քենէ ուրիշ տէր չեմ ուզեր բնաւ, ու քուկդ պըլլամ, կեանքիս բոլոր օրերուն:

Ու սկսաւ նախորդէն աւելի ուժով պաշպել իսկ ես չափազանց անհանգիստ եւ մտածկոտ դալ յանկարծ: Անշուշտ կը սիրէի զինքը, բայց բնաւ ըսած իրեն թէ պահած զրամ ունէի, վախուս՝ որ լայ կ'ուզէ ու կը յաջողի ալ ձեռքէս առնել: Ու մա որ հօրեղբորմէս կ'նութեան պիտի խնդրէի զի՛ ուզէի չուզէի հօրս, մօրս, բոլոր ազգականներ ինչպէս նաև իրեն, պիտի յայտնէի սղտիկ գա գոյութիւնը: Ի՞նչ պիտի ըլլայի յետոյ: Կործա կորսուած, սպաննուած մարդ մը: Միւս կողմէ սակայն, ծայրայեղ փափաք մը ունէի Լէյլային ամուսնանալու, ինչ որ պիտի յղփէր զեւ բոլոր ամենամեծ երջանկութիւններով զորս կարելի է լակայել այս կամ անդիի աշխարհին մէջ: Ա՛լ նայու բան չպիտի մնար Հասանին, Քէրիմին, Սի մանին ու Սպտուլլանին փութկոտութիւններէն ըննք մաղ մաղ կրակի վրայ կը խորովէին զիս: Նորէն ու է փափաք չէի զգար զբամս անոնց ա ու հետզհետէ այնչափ շուարեցայ ինչ ընելս, ո ձեծանքներս կրկնապատկուեցան իրենք իրենցս Լէյլան թեւերուս մէջ սեղմեցի անպատում ան թեան մը անձնատուր:

Այնպէս կարծեց թէ մոլեգնութեանս պա մինակ ինքն էր ու ըսաւ.

— Հոգի՛ս, ինչո՞ւ ալիչափ կը տառապիս ճի պահուն երբ գիտես թէ զիս պիտի վայելես:

Սիրտիս խորը այնչափ անուշ հնչեց անոր ձ երբ այս բառերը արտասանեց, որ ա՛լ սկսայ ինք կորսնցնել ու յարեցի:

— Որովհետեւ այնչափ աղքատ եմ, որ սա գած զգեստս անգամ պարտքով է: Գլխովդ կ'եր

մ կրնար կոր փոխարժէքը վճարել, թէև հազի շահապղտան կ'արժէ: Հեռեւարար ինչպէ՞ս պիտի ո՞ հօրդ ինձմէ պահանջելիք օժիտը: Եթէ խոս մը գոհանար... Կը կարծե՞ս որ հաւանի:

— Օ՛հ, անկարելի՛ է, բոլորովին՝ անկարելի, պա անեց Լէյլա գլուխը օրրելով: Յետոյ ի՞նչպէս ես որ հայրս ձրի տայ ինձի չափ սիրուն աղջիկ ցելըզ գլուխդ ժողովէ:

Եւ սկսաւ ջուրին նայել, մտացի՛ր, ձեռքովը եզեր երկայնքն ի վար խոտերուն վրայէն սահող ման աղիկներ հաւաքելով, ու միեւնոյն ատեն երեսը սփ սիրուն ձեւով մը ծամածոած որ ինքզինքէս ըայց, պաղարիւնով, նորէն շարունակեցի:

— Մե՛ծ, շատ մե՛ծ դժբախտութիւն է ատ. աւ՛ղ, քը չունիմ աշխարհիս վրայ:

— Իրա՞ւ, իրա՞ւ կ'ըսես, ըսաւ, ու երկու թե վիզիս փաթթելով, գլուխը մէկ կողմին հակած, կ ղէմքով մը նայեցաւ ինձի, որ չեմ գիտեր ս, խելքս բոլորովին թուա գլխէս, ու՛

— Երեսուն ոսկի թուման ունիմ, մըմնջեցի, սը վու քայլ անդին թաղած: Եւ մատովս գանձս տակը թաղած ծառիս կոճղը լցի:

Ինդայ սկսաւ, մինչ պաղ քրտինք մը ճակատս ի կը հոռէր:

— Ստախօս, գոչեց աչքերուս համբոյր մը դրոշ, ո՛րչափ քիչ կը սիրես զիս: Ըչմարտութիւնը իրով կը խլեմ քեզմէ: Հայտէ՛, գնա գտիր հայրս նորէ ձեռքս: Եօթ թուման խոստացիր, հինգը ու մնացած երկուքին համար երբում պատատ որ ետքը կուտաս. ալ մէյ մըն ալ դժուար ա երեսը կը տեսնէ: Ես գիտեմ ատ հինգին երկուքը ետ առնելուն ձեւը, անոնք ալ քեզի կը բե-

րեմ, ու այս հաշուով երեք թուման միայն արծա կ'ըլլամ քեզի: Կը տեսնե՞ս քեզ որչա՛փ կը սիրեմ:

Այս եղրակացութիւնը սքանչացուց զիս ու աճա պարեցի զացի գտայ հօրեղբայրս: Երկու օրուա վիճաբանութիւններէ յետոյ, որոնք իմ կողմէս պա դատանքներով, երդումներով ու արցունքներով կ համեմուէին, վերջապէս յաջողեցայ ու միացայ իմ մենասիրելի Լէյլայիս: Այնչափ հրապուրիչ էր, ուզ ծը ընել տալու անանկ կատարեալ արուեստ մը ունի (յետոյ հասկցայ թէ ինչպէս կը յաջողէր և թէ անդիմադրելի կարողութիւնը ուրկէ կուգար իրեն որ հարսնիքէն հազիւ քանի մը օր յետոյ, երբ Լէյլ զիս համոզեց որ երթանք գաւառին մայրաքաղաքը Ջըճան հաստատուինք, միջոցը գտաւ հօրմէն ամենապատ ուական էչ մը ընծայ առնելու, և ստիկէ զատ աղու կապերտ մըն ալ առաւ միասին, առանց հրամանի ծշմարիտ կ'ըսեմ, կիներու մարգարիտն է Լէյլան:

Հազիւ նոր տեղաւորուեր էինք, ու ձեռք մնացած քսանըհինգ թումանին շնորհիւ սկսեր էին, աղուոր ժամանակ անցունել, որովհետեւ Լէյլա զուար ճանալ կը փափաքէր ու ես ալ չափազանց համամիտ է ստոր, նայիս Քէրիմը եկաւ, Լէյլային հօրեղբորդէ ներէն մին, ուրկէ այնչափ կը նախանձէի: Առաջի վայրկեանին, թեթեւ կամէութիւններ մը ունեցա այդպէս շարունակելու, բայց կինս այնչափ սիրու կերպով մը ծաղրեց զիս որ քան քան մը փրցուցի յետոյ Քէրիմն ալ անանկ լաւ տղայ մըն էր որ, ծայ րայեղ բարեկամութիւնով մը կապուեցայ իրեն, ճիշտը խօսելով, կ'արժէր, որովհետեւ կեանքիս մէ այնչափ խնդալու մշտապատրաստ մէկը չեմ տեսա երբեք. զիս խնդալէ մարեցնող պատմութիւններ, անապառ հանք կար քովը: Գիշերուան մեծ մաս օդի խմելով կ'անցունէինք, ու վերջը վերջը, իմ խնդ

բելովս եկաւ բոլորովին մեր տունը հաստատուեցաւ:

Ամբողջ երեք ամիս այս կերպով պատուական ժամանակ անցուցինք: Յետոյ, բնութիւնս փոխուեցաւ. բաներ կային որ հաճոյ չէին թուեր ինծի: Ի՞նչ ես ալ չէի գիտեր. բայց Լէյլա ալ կը ձանձրացնէր կոր զիս և կը սկսէի փնտուել թէ ի՞նչ բան այդչափ ուժով խելքս տարած էր իր մասին: Ատոր պատճառ օր մը գտայ երբ գտակա կը կարկէի, որու կարը քաղուեր էր: Ջարմանալով տեսայ որ գոյնզոյն մե տաքսէ, բուրդէ ու բամպակէ գերձաններով չինուած պղտիկ ծրար մը կարուած էր մէջը, ճիշտ կնոջս մազերուն գոյնով մազի խոպոպի մը հետ միասին: Ալ հասկցայ թէ ուրկէ կուգար զիս կախարդող յուսութքը: Անմիջապէս քաշեցի նետեցի այդ աղե տալի առարկաները ու երբ գտակը նորէն գլուխս դրի, բոլորովին ուրիշ ընթացք առած էին մտածումներս. ա՛լ այնչափ կարեւորութիւն ունէր Լէյլան ինծի համար, որչափ փողոցէն անցնող ունէ մէկը: Ատոր փոխարէն, դառնօրէն կ'ափսոսայի իմ երեսուն թուման ներս ուրկէ բա՛ն մնացած չէր: Ասիկա մտածկոտ ու խոժոռ մարդ մը դարձուց զիս, ինչ որ ուշադրութիւնը զրաւեց Լէյլային: Պչրոտութիւններ ըրաւ ինծի, որոնք բոլորովին անզգայ ձգեցին զիս. բնական էր արդէն, քանի որ իր դիւթութիւնները վրաս չէին գործեր ալ. սրդողեցաւ, Քէրիմ ալ խառնուեցաւ գործի, որու հետեւեցաւ պատուական կոիւ մը: Ալ չեմ յիշեր թէ ի՞նչ ըսի, ոչ ալ թէ ինչ պատասխանեց հօրեղբորդիս, միայն գիտեմ որ դաշոյնս քաշեցի ու ստաւոր հարուած մը իջեցնելու վրայ էի, երբ աւելի արպիկ փրթաւ, և վեր վերցուցած դաշոյնովը ճեղք մը բացաւ գլխուս վրայ ուրկէ արիւնը սկսաւ առատօրէն հոսիլ: Լէյլայի անոնլի գոռում գոչումներուն վրայ դրացիները վազեցին եկան, ետեւէն ոստիկան-

ները, ու արդէն թշուա՛ն Քէրիմի օձիքին փակած չիտակ բանտին ճամբան բռնելու վրայ էին երբ սկսայ պոռալ:

— Վալլա՛հ, Թալլա՛հ, Պիլլա՛հ, մի՛ դպիք, հօրեղբորորդիս է, հօրաքրոջս տղան է. բարեկամս է, աչքերուս լոյսը. արիւնս հալալ է իրեն:

Շատ կը սիրէի զինքը, անհունօրէն աւելի շատ քան Լէյլան, և շատ պիտի ցաւէի, եթէ դժբախտութիւն մը գար զլիսուն, փուճ խնդրի մը համար, զոր ազատ էինք, կարծեմ թէ, մենք մեղի կարգադրելու: Այնքան լեղու թափեցի, այնչափ ըրի որ, հակառակ երեսս ի վար հոսող արիւնին, ամենքն ալ հանդարտեցան ի վերջոյ ու երան գացին: Լէյլա ու Քէրիմ միասին կապեցին վէրքս, ու երեքս ալ ողջագուրեցինք զիրար. յետոյ պառկեցայ ու քնացայ:

Հետեւեալ օրը քէթիւիտան, թաղին կառավարիչը, զիս քովը կանչեց և յայտարարեց թէ զինուորութեան կանչուածներու ցանկին մէջ իմ ալ արձանագրութիւնս կար: Սրդէն պէտք էր սպասէի ասոր կամ ասոր նման բանի մը, քանի որ մէկը չէի ճանչնար Զընճանի մէջ, ուր օտարական էի: Ո և է պաշտպան չունէի, հետեւաբար ի՛նչպէս կարելի էր որ է՛ն ատաջիններէն չիյնայի ցանկի մը մէջ ուր բոլորն ալ կը հրէին զիս, բնականօրէն, ինքզինքնին կամ իրենցներնին ազատելու համար: Պոռալ ու ատարկութիւններ ընել ուղեցի. բայց ատանց բնաւ պոռչտուքներս հոգը ընելու, քէթիւիտան Փալախային կապել տուաւ զիս: Կանակի վրայ պառկեցուցին զիս ու, երկու Քէրրաչներ, գաւազանին երկու ծայրերէն բռնելով՝ ոտքերս վեր բարձրացուցին, երկու դահիճներ, վայրագ զէմքերով, ճպտոներու արցակները ճօճեցուցին. բայց հարուածները կապուած փայտիս վրայ սկսան իջեցնել, որովհետեւ ինկած ատենս երկուքին ալ ափը մէյմէկ

չանապղան սահեցնելու ճարպիկութիւնը ունեցեր էի:

Հասկցայ թէ ի՛նչ կը սպասէր ինձի, եթէ բազդիս զէմ աւելի երկար շարունակէի ընդդիմութիւն ցոյց առլ: Մտածեցի թէ արդէն փարս ալ չէր մնացած չոփս, ու չէի գիտեր ո՛ր սուրբին դիմել, և թէ, ի՛րաւ, թէ՛ և շատ ալ հաճելի բան մը չպիտի ըլլար աջ ձախ գառնալն ու կատարելը բոլոր այն ծիծաղելի շարժումները, զորս հետեւակ զինուորները կը կատարէին, բայց թերեւս այս արհեստին մէջն ալ մխիթարութիւններ ու պատահական շահեր պիտի գտնէի, որոնց վրայ գաղափար չունէի տակաւին: Յետոյ, ամէն րոնէ աւելի, խորհեցայ որ չէի կրնար ճակատագիրս խուսափիլ, ու թէ հետեւաբար, քանի որ ճակատաչորս զինուոր ըլլալ էր, աւելի լաւ էր համակերպիլ և զուարթ երես ցուցնել:

Երբ Լէյլա իմացաւ զլիսուս եկածը, անուշի աղաղակներ արձակելու սկսաւ, զէմքին ու կուրծքին բռունցքներ տեղացուց, և քանի մը բան փրցուց գլուխէն: Կրցածիս չափ մխիթարեցի զինքը. Քէրիմն ալ կրողածին չափ օգնեց ինձի: Վերջ ի վերջոյ համոզուեցաւ, երբ զինքը աւելի հանդարտ տրամադրութեան մէջ տեսայ, հետեւեալ ճառը խօսեցայ.

— Աչքերո՛ւս լոյսը, բոլոր Մարգարէները, իմամները, Սուրբերը, Հրեշտակները, նոյն իսկ Ստառած վկայ են թէ մինակ քու քովդ կրնամ ապրիլ, թէ եթէ քեզ չունենայի, գլխովդ կ'երդնուժ, մեռածի պէս բան մը, կամ աւելի զէշ բան մը պիտի գառնայի: Այս դժբախտ վիճակիս մէջ, մինակ քու երջանկութիւնդ կը խորհիմ, և քանի որ անհրաժեշտօրէն պիտի երթամ, ի՛նչ պիտի ըլլայ վիճակդ: Ամէնէն բանաւորը, մեր իրարմէ բաժնուելն է, հաւատա՛, և երանի՛ թէ քու ազ անբախտ ամուսին մը գտնէիր այս անգամ:

— Սիրելի Ազա, պատասխանեց զիս գրկելով, ի՛նչ անհուն սէր որ ինձի համար կը զգաս, նոյնը կը զգամ ես ալ իմ սիրտիս մէջ իմ այս սիրելի ու պաշտելի ամուսինիս նկատմամբ, և իբր բնական հետեւանք կիներուն իրենց սիրածին հանդէպ շատ աւելի անձնուէր ըլլալնուն, ես, քու կրցածէդ աւելի տրամադիր եմ ինքզինքս զոհելու. հետեւաբար կը մտածեմ թէ, որչափ ալ սուղի նստի ինձի, աւելի լաւ է որ ես քեզի շնորհեմ քու ազատութիւնդ. գալով ինձի, որոշ է իմ բազրոս. պիտի մնամ հոս, ու լամ մինչեւ որ կաթիլ մը արցունք չի մնայ խեղճ մարմինիս մէջ, ու փչեմ վերջին շունչս:

Այս տխուր խօսքերուն վրայ ամէնքս մէկ՝ Լէյլա, Քէրիմ ու ես, հեծեծելու սկսանք. կ'արժէր տեսնել մեզ երեքս, կապերտին վրայ, դէմ դէմի նստած, մէջտեղերնիս կապոյտ ապակիէ պիւնիկ մը օղի և երեք ալ գաւաթ, գլուխնիս օրօրուն, ցաւազին ողբեր արձակելով, զորս բացազանչութիւններ կ'ընդհատէին ատեն ատեն.

— Ե՛մ Այի, ե՛մ Հասան, ե՛մ Հիւսէին, ո՛վ աչքերս, ո՛վ կեանքս: կը մեռնի՛մ կոր:

Յետոյ կ'ողջագուրուէինք ու նորէն կը սկսէինք հեծեծանքներու: Ճշմարտութիւնը ան է որ Լէյլան ու ես կը պաշտենք իրար, թէ ամենակարողն Աստուած երբեք հատ մըն ալ չէ ստեղծած ու չի ալ կրնար ստեղծել անոր չափ սիրազեղ ու անոր չափ հաւատարիմ կին մը: Այո՛, ա՛խ, այո՛: Եստ ճիշդ է աս, ու չեմ կրնար արցունքներս զսպել, ամէն անգամ որ անոր վրայ կը խորհիմ:

Հետեւեալ ատուուն, կանուխէն, սիրելի կինս ու ես, մօլլային տունը գացինք ու ապահարզանի թուղթը գրել տուինք, ուրկէ յետոյ, ամենագորովալի մնաս բարոյներէ յետոյ, Լէյլա մինակը տուն դարձաւ.

խոյ ես չի՛ շիտակ շուկայ գացի, օղեվածառ Հայու. մը խանութը, ուր վտան էի Քէրիմը գտնելուս: Երբք օրէ ի վեր բոլոր վիշտերուս մէջ գազափար մը միաքս կը զբաղեցնէր շարունակ:

— Քէրիմ, ըսի, միտք ունիմ այսօր սուլթանիս, այսինքն զօրագլուխիս ներկայանալու. կ'ըսեն թէ բժշկանքի մարդ է ու փափկակենցաղ կը ձեւացնէ ինքզինքը: Երբ սա ծակ ծակ ու աղտոտ հագուստով ներկայանամ՝ յարգանքս մատուցանելու, կը վախճամ որ գէշ ընդունելութիւն մը կ'ընէ ինձի, և այս անհաճօյ սկզբնաւորութիւնը դժբախտ կերպով կ'ազդէ զինւորական ապագայիս վրայ: Պիտի ինչրեմ քեզմէ ուրեմն որ մինակ այս կարեւոր առիթին համար, խուժիճէդ իոխ տաս ինձի:

— Խեղճ Աղաս, բացարձակապէս չեմ կրնար կատարել ինչիբրքդ, պատասխանեց Քէրիմ. շատ կարեւոր գործ մը ունիմ այսօր: Ամուսնանամ պիտի և բացարձակապէս անհրաժեշտ է, բարեկամներու աչքին յարգս պանելու համար, որ նոր հագուստներ հագած ըլլամ: Ասկէ զատ, շատ կը սիրեմ ես խուժիճէս. Համատանի դեղին կերպասէ կարուած է ան, Քանառ հարի մետաքսով հիւսուած սիրուն արէզէ եզերքով: Պատար Թահիրի կարածն է, որ մեր գաւառին ամենէն բարձր իշխաններու դերձակն է, և ինք իր բերնով ապանովցուցած է զիս, թէ երբեք ոչ մէկուն այսչափ կատարեալ հագուստ կարած է դեռ: Ասոր համար է որ, միտքս զբած եմ հարսնիքէս յետոյ, խուժիճէս գրաւի գնել, որովհետեւ, այսօր զբամ չունենալուս, վաղը շամ մը պարտքեր պիտի ունենամ. հետեւաբար, կ'նստայս այս ըսածներէս հասկնալ, թէ նոյնիսկ քեզ համոյք պատճառելու համար, չեմ կրնար միակ եկամուտէս զրկուել:

— Ըսել է կորսուած, անանկացած, անբողջ տիւ-



զերքէն լքուած մարդ մըն եմ ես ու ցաւերս ոչ մէկուն հոգը չեն, պատասխանեցի ամենախոր յուսահատութիւնով (որովհետեւ, շիտակը, այս խուլիճէն խելքս գլխէս տարած էր, և գիշեր ցորեկ վրան կը մտածէի)

Այս յուսահատական խօսքերը բարեկամիս սիրտը յուզեցին. սկսաւ խրատներ կարգալ գլխուս, ըսաւ ինչ մխիթարական խօսքեր որ կրցաւ երեւակայել, շարունակեց ամուսնութիւնը պատճառ ցուցնել, իր հանրածանօթ աղքատութիւնը, և հազար ուրիշ բաներ, և, վերջապէս, զիս միշտ նոյնքան յուսահատ տեսնելով, սիրտը փղձկեցաւ ու հետեւեալ մխիթարական խօսքերը արտասանեց.

— Գոնէ եթէ ապահով ըլլայի՛ որ ժամէ մը պիտի վերադարձնես խուլիճէս:

— Ինչի՞ վրայ երգում ընեմ, պատասխանեցի եռանդով:

— Վերադարձնե՞ս պիտի:

— Անմիջապէս, ժամէն ալ առաջ. ցուցնեմ ինքզինքս ու վերադառնամ: Գլխո՛ւդ վրայ, աչքերո՛ւս վրայ, Լէյլայիս կեանքի՛ն վրայ, ճէննէթի՛ն վրայ. գեհննին կրակներուն մէջը յաւիտեան այրիմ նզոված շունի պէս, եթէ փափաքած ժամանակէդ առաջ չդարձունեմ զգեստդ:

— Եկո՛ւր:

Սենեակը գացինք, ուր տեսայ փառաւոր հագուստը: Գեղնագոյն էր, չքե՛ղ: Յափշտակուած էի. անմիջապէս կոնակս անցուցի: Քէրիմ գոչեց թէ նմանը չտեսնուած զգեստ մըն էր ան, թէ սքանչելի մարդ մըն էր անոր կարողը, և թէ, հարիւրին հարիւր օր մը երախտագիտութեամբ պիտի փոխադարձէր անոր:

— Բայց, աւելցուց, առանց անպատուութեան կարելի չէ կապոյտ կտաւէ պատուած տարատով հագ-

նիլ ասանկ հագուստ մը, ա՛ռ, անաւասիկ քեզի կարմիր մետաքսէ նոր շալվարներս ալ:

Արագօրէն անոնք ալ սրունքներուս անցուցի: Իշխանի մը երեւոյթը առեր էի, ու դուրս նետուեցայ դուռնէն. ամբողջ երկու ժամ բոլոր շուկաները չըջեցայ: Կիները կը նայէին ինձի. երջանկութեան գազաթը հասած էի: Այդ պահուն երկու տղամարդու հանդիպեցայ, որոնք ինձի պէս վաշտին մէջ արձանագրուած էին, ու ամէնքս միասին Հրեայի մը խանութը գացինք գովանալու: Նոյն իրիկունն իսկ անոնք Թէհրան կը մեկնէին զօրագունդին միանալու: Որոշեցի միասին երթալ և մէկէն հագուստ, միւսէն մնացածը փոխ առնելով, փառաւոր հագուստը խնամքով ծալլեցի, և Հրեային զբաղած մէկ վայրկեանէն օգուտ քաղելով, կամաց մը դուռնէն դուրս սահեցանք, փողոցէն անցանք, յետոյ քաղաքին դուռնէն, և հազար խենդութիւններ դուրս տալով ու քահ քահ խնդալով, մտանք անապատ ու քալեցինք մինչեւ կէս գիշեր:

Շատ զուարթ, շատ երջանիկ անցաւ մեր ճամբորդութիւնը: Կը սկսէի կամաց կամաց համոզուիլ թէ գինուորի կեանքը սքանչելիօրէն պիտի յարմարէր ինձի: Ընկերներէս մէկը, Բուսթէմ պէյ, որ վէքիլ էր այսինքն զօրախումբի մը յիսնապետը, առաջարկեց ինձի իր խումբին մէջ մտնել. անմիջապէս ընդունեցի:

— Դիտա՞ծ ես, եղբայր, ըսաւ, որ ցաւագարները կ'երեւակայեն թէ խիստ դժբախտ բան է գինուոր ըլլալը, դուն ալ մի՛ իյնար այդ սխալին մէջ. այս աշխարհիս մէջ ապուշները մինակ դժբախտ են: Ապու՛շ չես դուն, ես ալ չեմ, ինչպէս նաեւ Խուրշիդը, որ անաւասիկ: Արհեստ մը ունի՞ս:

— Որսորդ եմ:

— Թէհրանի մէջ ատով փարա չի վաստկուիր:

Որմնադիր եղիր. մեր բարեկամ Խուրչիտը երկաթագործ է, ես՝ բուրդ գզող: Ռոճիկիդ քառորդը ինձի կուտաս, կէսը սուլթանը պիտի առնէ, իբր զօրպետ. երբեմն երբեմն պզտիկ նուէր մը պիտի տաս նաչիպին կամ տեղեկալին որ թէ և շատ նրբամիտ մէկը չէ, բայց շատ բարի ալ չէ. գնդապետն ալ, բնականաբար, մնացածը պիտի առնէ, իսկ գո՛ւն, գո՛ւն ալ թագաւորի պէս պիտի ապրիս ինչօլ որ շահիս:

— Թէհրանի մէջ որմնադիրները շատ կը շահին ուրեմն:

— Կը շահին քիչ շատ: Բայց անկէ դուրս, կեանքը հաճելի դարձնելու համար շատ մը միջոցներ կան, կը սորվեցնեն ես քեզի:

Քանի մը հատը ճամբան սորվեցուց, և շիտակը շատ զուարճալի էին: Որովհետեւ վէքիլի հրամանագիրը վրան էր, գիւղ մը մտանք իբր հարկահաւաք պաշտօնեաներ: Գիւղացիները կատարելապէս կլլեցին այս խաղը, և երկար բանակցութիւններէ յետոյ, պզտիկ կրծօն մը տուին մեզի որպէս զի անմիջապէս չի գանձենք հարկերը ու տասնընչից օրուան միջոց մը տանք. յօժարակամ շնորհեցինք իրենց ու մեկնեցանք օրհնութիւններով ծանրաբեռնուած: Այս տեսակի քանի մը կատակներէ յետոյ, որոնց ամէնքէն ալ շահով, զուարճութեամբ ու փառքով դուրս եկանք, վերջապէս Շիմիրանի դուռնէն փառաւոր մուտք մը գործեցինք մայրաքաղաք, և ատու մը գացինք ներկայացանք մեր սէրճէնկին, գնդապետ Մէհտի խանի:

Խորո՛ւնկ բարեւ մը տուինք այս շատ կարեւոր անձնաւորութեան, այն պահուն երբ իր տանը բակէն կ'անցնէր: Վէքիլը, որ նախապէս ծանօթ էր իրեն, մեզ երկուքս, Խուրչիտն ու զիս, ներկայացուց, ու խիստ յարմար խօսքերով, մեր քաջութեան, մեր հնազանդութեան, և մեր պետին հանդէպ մեր անձնագո-

նութեան գովեստը ըրաւ: Գնդապետը շատ գոհ մնաց մեզմէ և քանի մը աղուոր խօսքերէ յետոյ մեր զօրանոցները զրկեց մեզ: Այդ օրուընէ՛ սկսեալ մաս կազմեցի Խամսայի Բ. զօրագունդին:

Ասոր հետ միասին, պէտք է խոստովանիլ սակայն թէ զինուորական կեանքին մէկ քանի կողմերը բնաւ հաճելի բաներ չեն: Ռոճիկէն տասնոց ձեռքդ չի հասնիր բա՛ն մը չէ, և եթէ խորը քննենք, քանի որ վէգիլները հրամանատարներէն կուտեն, կը խոստովանիմ որ բնական կ'երեւայ ինձի որ ասոնք ալ զընդապետներէն ուտեն, որոնք, իրենց կարգին, համարակալներէն կ'ապրին, այս վերջիները իրենց զօրապետներէն, զօրապետներն ալ իրենց տեղակալներէն ու զինուորներէն: Այս վերջիներուն կ'իյնայ ուրիշ ճամբաներով ապրելու միջոցներ գտնելը, և փառք Աստուծոյ, ոչ մէկը կ'արգիլէ զիրենք: Գէշը հոն է որ եւրոպացի մարդիչները կան անդին, և ամէն մարդ զիտէ թէ չկայ աւելի կոպիտ ու անմիտ բան աչխարհի վրայ քան այս Փրէնկիները որք որ ըլլայ: Բերանին միշտ լեցուն է պարկեշտութիւն, ուղղամբտութիւն բառերով, և կը յաւակնին թէ կ'ուզեն որ զինուորներուն սոճիկները կանոնաւորաբար վճարուին: Ինքնին գէշ բան չէ սա. բայց ատոր փոխարէն ալ զբաստի տեղ գործածել կ'ուզեն մեզ, ինչ որ հարկաւ խորշիլի բան է, և անկեղծօրէն, եթէ իրենց ծրագիրներուն մէջ յաջողէին ասոնք, մեր վիճակը այն աստիճան աւազելի բան մը պիտի ըլլար, որ կեանքը ու և է արժէք չպիտի ունենար ալ: Օրինակի համար, կ'ուզեն մեզ ստիպել որ ի՛րապէս մնանք զօրանոցներուն մէջ, հո՛ն պառկինք ամէն գիշեր, դուրս ելլենք կամ ներս մտնենք ճիշտ այն ժամերուն զորս իրենց ժամացոյցները կը ցուցնեն իրենց: Այնպէս որ, բացարձակապէս մէյմէկ մեքենայ պիտի դառնայինք,

ու շունչն իսկ չափով պիտի աննէինք տայինք, ինչ որ Աստուած ալ չուզէր: Յետոյ, պիտի ուզէին ամէնքս ալ, առանց բացատուութեան, ամառուան արեւին, ձմեռուան անձրեւին դաշտը հանել, ի՞նչ ընելու: Ոտքերը վեր վերցնելու, վար իջեցնելու, թեւերը երերցնելու, գլուխը աջ ձախ դարձնելու համար: Վալլա՛հ, պիւլա՛հ, թալլա՛հ, մէկը չիկայ մէջերնին որ կարենայ բացատրել թէ ինչի՞ կը ծառայեն այս այլանդակութիւնները: Իմ մասին, կը խոստովանիմ որ երբ այս մարդոցմէն մէկուն անցնելը տեսնեմ, անմիջապէս բարեւի կը կենամ, որովհետեւ երբեք չես գիտեր թէ ի՞նչ կատաղութեան նոպայէ պիտի բռնուին յանկարծ: Բարեբախտաբար, երկինք, երբ այսչափ կոպիտ ստեղծած է զիրենք, այնչափ ալ ապուշ ստեղծած է, անանկ որ ընդհանրապէս ուզածդ կրնաս հաւատացնել իրենց: Փառք ու պատիւ Աստուծոյ, որ ինքնապաշտպանութեան այս միջոցը չնորհած է միւսիւրմաններուն:

Ես անմիջապէս հասկցայ թէ ի՞նչ տեսակի բաներ էին այս եւրոպացի մարդիչները և ինքզինքս կարելիին չափ հեռու պահեցի անոնցմէ. որովհետեւ վէժիւր, բարեկամս, զիս սուլթանին յանձնարարելու նախըզգուշութիւնը ունեցած էր, երբեք չի դացի մարզանքի, ինչպէս կ'անուանեն, և կեանքս շատ տանելի էր: Մեր գունդը եկած էր Սիւլէյմանիէի գունդին տեղը բռնելու, որ Շիրազ մեկնած էր. իմ խումբս տեղաւորուած էր բազարին կայաններէն մէկուն մէջ: Աս շուն Եւրոպացիները, Աստուծոյ անէծքին գան, կը յաւակնէին թէ ամէն օր պէտք էր կայանները փոխել և բոլոր զինուորները զօրանոց զրկել: Ի՞նչ հնարելնին չեն գիտեր խեղճ զինուորը չարչարելու համար: Բարեբախտաբար մեր գնդապետը չէր սիրեր որ ամէն վայրկեան գլուխը ցաւցնէին ու անհանգիստ ընէին զինքը, այնպէս որ անգամ մը որ մտար պահակատուն մը,

հոն կը հաստատուիս, հանգստութիւններ կը փնտոես ու կը տեղաւորուիս, ոչ թէ քսանըչորս ժամուան, հապա երկու երեք տարուան, վերջապէս այնքան ատենուան համար որչափ զօրագունդը կը մնայ քաղաքին մէջ:

Մեր կայանը բաւական հաճելի էր. բազարին երկու ճամբաներուն անկիւնը կը գրաւէր: Երկու սենեակով չէնք մըն էր. մին նայիպին և միւսը, ընդարձակ սրահ մը, զինուորներուն համար: Պատուհան չունէր, այլ միակ դուռ մը որ փողոցը եզերող փայտէ ճեմելիքի մը վրայ կը բացուէր. ասոնք բոլորը գետնէն երեք ոտք բարձր էին: Շէնքին շուրջը շատ մը խանութներ կային որոնք իրենց հրապոյրները կը ցուցադրէին մեզ: Նախ կար պտղավաճառի մը խանութը, ուր խաղողները, սեխերն ու ձմերուկները բրգաձեւ շարուած էին, կամ յաճախորդներու գլխուն վերեւ գրասանդեր կը կազմէին: Գործասեղանին մէկ անկիւնը, կը սիգար չոր թուզի սնտուկ մը, ուրկէ, իրիկունները, երբ կ'երթայինք համեստ խանութպանին հետ ամէն տեսակ շահեկան նիւթերու վրայ խօսակցելու, թոյլ կուտար մեզի հատ մը երկու ուտելու: Քիչ մը անդին մսավաճառի մը խանութն էր, որ պատուական ոչխարի միս կը ծախէր մեզի. բայց մէկ կտորին տեղ որու դրամը կը վճարուէր, էն քիչը չորս կտոր ալ յանկարծ աներեւոյթ կ'ըլլար խանութէն, ինչ որ խանութպանին համար անլուծելի գաղանիք մը կը մնար միշտ: Ամէն օր յուսահատօրէն կը պատմէր մեզի այդ գողութիւնները որոնց զո՞ր կը զառնար, և որովհետեւ, աստնը անգամ մը գող մը կը բերէինք իրեն որ ըրածը կը խոստովանէր, գողցուած կտորը ետ կուտար, ու ներողութիւն կը խնդրէր, երբեք մեր վրայ կասկածելու անիրաւութիւնը չի գործեց: Մինչեւ այսօր հիացումով կը յիշեմ քէպապճի մը

որուն թուայները դրակտալայել անուշահոտութիւն
ներ կը բուրդէին միշտ: Ճշմարտապէս անմահն եղա-
նակ մը ունէր քէպապ պատրաստելու: Միսի ամէ-
մէկ կտորը աֆրիկայի ճիշտ պէտք եղածին չափ եփա-
կ'ըլլար ու սարդենիի ու ծոթորի տերեւներու
հիւթերը աֆրիկայի լաւ ծցած, որ երբ բերանդ կը տանէլը
բոլոր երկնային երջանկութիւնները կը հալէին կար-
ծես հոն: Բայց մեր շրջակայքի հրապոյրներուն գլխ-
խաւորը հէքեաթասացն էր, որ հաստատուած էր ա-
ւերակ տան մը բակին մէջ: Ամէն օր, սքանչացում
համակուած և հետաքրքրութենէն չնչասպառ ունկըն-
դիրներու բազմութեան մը առջեւ, փէրիներու, ճինե-
րու, իշխաններու, իշխանուհիներու, սարսափելի հե-
րոսներու պատմութիւններ կը պատմէր, ամէնքս ա-
րնդելուզուած ականջին աֆրիկայի անուշ եկող ոտանա-
ւորներով, որ կէս մը խենդեցած դուրս կ'ելլէին
միշտ: Շատ ժամեր անցուցած եմ հոն, անբացատրելի
հաճոյքով:

Մէկ խօսքով, կատարելապէս ճիշտ է որ պահա-
կատան կեանքը հրապոյրներով լեցուն կեանք մըն է
Մեր նայիպը, աղուոր տղայ մը, երբեք չէր երեւար
Ոչ միայն իրմէ գերադասներուն կը թողուր իր ամ-
բողջ ոտճիկը, այլ նաև երբեմն սիրուն նուէրներ ա-
կուտար անոնց, այնպէս որ փիթիօրսմեք ըլլալ թոյ-
լատրուած էր իրեն, այսինքն մեծ տան մը մէջ սենե-
կապան, ուրկէ շատ աւելի կը շահէր քան իր տեղի-
կալութենէն: Բարեկամս, վէքիլը, ամէն առտու կ'
մեկնէր, ու տակաւին աչքիս առջեւն է էա, ժամա-
նակին ձերմակ եղող իր խոշոր տաբատներով, ալ
մուկները ծակած կարմիր կտաւէ թիկնոցակով, իր
նորոջ գոյնի գոտիով, իր ձմութկած գտակով ու ձեռ-
խոշոր գաւազանով: Կ'երթար բուրդ գգողի արհես-
գործ գնելու և շատ անգամ ամբողջ ութը օր չէ-

դառնար: Իսկ մենք որ դուրսը պակելիք տեղ չու-
նէինք, սովորաբար կայան կը դառնայինք կէս գիշե-
րէն մինչև առտուան ժամը երկուքին միջոցները:
Բայց ընդհանրապէս, ժամը ութէն ինը, ամէնքս ալ
մեկնած կ'ըլլայինք, բացի մէկ երկուքէ որոնք
ոեւէ պատճառով կը հաւանէին տունին պահապան
մննալու: Ամէնուն ծանօթ է թէ կայանի մը մէջ, գին-
ուորները բացարձակապէս ուրիշ բանի չեն ծառայե-
ր թէ ոչ անցնող մեծ անձնաւորութիւններուն առջեւ
հրացանով բարեւի կենալու. առ էր արգէն մեր ալ
բրածը մեծ կանոնաւորութեամբ: Անմիջապէս որ հե-
ռուէն, ձիու վրայ հեծած ու իր ծառաներէն շրջապատ-
ուած իշխան մը երեւար, մեր կայանը յանգող ծա-
ռուղիներուն ծայրը, խանութպանները ամէնը միասին
բարձրադաղակ իմաց կուտային մեզ: Քսան հոգիէ
բաղկացող մեր ջոկատը սակայն, երբեք չորսէ հինգէ
աւելի ներկայացուցիչ չէր ունենար, որոնք բնակա-
նաբար խօսելու կամ քննալու զբաղած կ'ըլլային:
Շատ անգամ ատոնք ալ չէին գտնուեր ու կայա-
նը մարդ մնացած չէր ըլլար: Այդ պարագաներուն,
բոլոր խանութներէն օժանդակներ կը նետուէին դուրս
որոնք կը հաւաքէին անկիւնները հոս հոն նստուած
հրացանները, հոյակապ կարգով մը կը շարուէին,
մէկը վէքիլը կ'ըլլար, ուրիշ մը նայիպը, և բոլորը
մէկ բարեւի կը կենային ամենէն դժնեայ եւրոպացի-
ներու մարտական լրջութեամբ: Բարձր անձնաւորու-
թիւնը բարութեամբ կը խոնարհէր ու ամէն բան հին
ձեւը կ'առնէր նորէն: Հաճոյքով կը յիշեմ միշտ այս
պատուական պահակատունը, այս պատուական դրա-
ցիները, առ ատենուան անցուցած հմայիչ կեանքս
ու իմ ծեր օրերուս համար, կորովի կերպով կը մաղ-
թեմ որ նման դիրք մը գտնեմ նորէն: Ինչպիսի՞ն,
ինչպիսի՞ն:

Ընկերներէս աւելի նստուկ կեանքը սիրելուս համար չէ բնաւ, որ թէև վէճիլին խորհուրդով որմնադիր դարձած էի, ու քանի մը փարա ալ կը շահէի, բայց փոքր դրամ տալը աւելի՛կը յաջողէր ինծի: Քէրիմի փառաւոր հագուստը, զոր անմիջապէս հնավաճառի մը ծախեր էի, արդէն դրամագլուխ մը կազմած էր ինծի, և սկսայ փոխ դրամ տալ, ըլլա՛յ ընկերներու, ըլլա՛յ ծանօթներու, որոնք շուտով սկսեր էին վիտալ չորս կողմս: Շատ պզտիկ գումարներ փոխ կուտայի շատ կարճ պայտանաժամներով: Այսչափ խոհեմութիւն անհրաժեշտ էր ինծի ու բաւական ալ յաջող կ'երթար գործս. սակայն երբեմն անանկ պարտապաններու կը հանդիպէի որոնցմէ տասնոց չէի կրնար գանձել տուածէս: Այս անպատեհութիւնները մասամբ հակակշռելու համար, ես ալ փոխ դրամ կ'առնէի, զորս երբեմն չէի վերադարձնէր, այնպէս որ կրնամ ըսել թէ խոշոր կորուստներ չի կրեցի բնաւ: Միեւնոյն ժամանակ գերադասներուս ալ հաճելի ըլլալու հոգ կը տանէի. երբեմն գնդապետիս տունը կ'երթայի, համարակալին շուրջը փութկոտութիւն կը ցուցնէի, կը համարձակիմ ըսել թէ սուլթանին ալ բարեկամ դարձած էի, նայիպը իր կեանքը կը պատմէր ինծի և միշտ ալ վէճիլին բարեացակամութիւնը կը մշակէի, մանր մունր ընծաներ տալով. բոլոր ասոնք թոյլ տուին որ երբեք ոտքս չի դնեմ զօրանոցէն ներս. մարզանքի ալ երբեք չեկայ, և ժամանակիս մնացած մասը կամ գործերովս, կամ հաճոյքներովս կ'անցունէի, առանց որ ուրէ մէկը խառնուի ինծի: Կը խոստովանիմ որ յօժարակամ կը յաճախէի Հայերու և Հրեաներու գինետունները. բայց օր մը երբ թագաւորին զպրատան առջեւէն կ'անցնէի, խելքիս փչեց ներս մտնելու հոն պարտէզը ներկայ զբանուեցայ գիտնական Մօլլա-Աղա-Թեհրանիի մէկ գասին: Հիացայ մնացի, ու ստ օրէն բնագանցութեան

ուէր մը եկաւ վրաս, և զիս շատ անգամներ տեսան այս վսեմարան դատախօսին ունկընդիրներուն մէջ: Աղաւոր և բազմաթիւ ընկերութիւն մը կար հոն արդէն. ուսանողներ, ինծի պէս զինուորներ, թափառական ճիւղերներ, իշխաններ, քաղքենիներ: Հոգիին բնութեան, Աստուծոյ մարդուն հետ ունեցած յարաբերութիւններուն վրայ փճաբանութիւններ կ'ընէինք. ասկէ աւելի հրապուրիչ բան չէի տեսած: Սկսայ հմուտ և առաքինի մարդոց ընկերութիւնը փնտռել, նոյն իսկ կրցայ քանի մը սակաւախօս անձերու հետ ծանօթանալ, որոնք ինծի մեծ հասողութիւն ունեցող մէկ քանի վարդապետութիւններ հաղորդեցին, և սկսայ կամաց կամաց հասկընալ, բան մը, որու բնաւ ուշադրութիւն չէի դարձուցած մինչեւ այդ օրը, թէ աշխարհի վրայ ամէն բան ձուռ կը քալէ: Կարելի չէ ուրանալ թէ սարսափելի անզգամներ են բոլորն ալ որոնք կայսրութիւնները կը կառավարեն, և եթէ բոլոր այդ մարդոցը գլխուն մէջմէկ գնդակ տեղաւորենք, արդարութիւնը ի գործ դրած պիտի ըլլանք միայն, բայց օգո՞ւար ինչ: Անոնցմէ ետքը եկողները աւելի գէշ պիտի ըլլան: Փառք ու պատիւ Աստուծոյ, որ մեզի անծանօթ պատճառներով, ուզած է որ չարութիւնն ու յիմարութիւնը ըլլան աշխարհը վարողները: Բաւական յաճախակի կը մտածէի նաեւ սիրելի Ալեյլայիս ու ամենասիրելի Քէրիմիս վրայ: Այդ պահերուն, կը զգայի որ աչքերս արցունքներով կը լեցուէին, բայց երկար չէր տեւեր աս: Կը դառնայի նորէն պարտապաններուս, պարտատէրերուս, որմնադիրի արհեստիս, գինետուններուս, ընկերներուս, Մօլլա-Աղա-Թեհրանիի փելիսոփայութեան, և բոլորովին անձնատուր կ'ըլլայի այն գերագոյն կամքին որ ամէն բան իր անտութիւններուն համեմատ կարգադրած է: Ճարի մը ամբողջ, ամէն բան այս կերպ, այսինքն

չատ լաւ շարունակեց: Հին զինուոր մըն եւմ ես ու կրնամ ըսել թէ այսչափ լաւ դասաւորուած բան տեսնուած չէ բնաւ: Իրիկուն մը, երեք օր բացակայ մնալէ յետոյ, երբ ժամը տասին ատենները պահակատուն դարձայ, ապշեցայ մնացի երբ ընկերներս բոլորը մէկ, նոյն իսկ նայիպն ալ, հոն հաւաքուած տեսայ: Կլոր չըջանակ մը կաղմեր նստեր էին. կապոյտ լապտեր մը գրեթէ կը լուսաւորէր զիրենք և բոլորին ալ աչքերը արցունքներով ողողուեր էին: Բայց ամենէն ուժով լացողը, նոյն ինքն նայիպն էր:

— Բարեւ գայ վրանիդ, ձերդ Վսեմութիւն, ըսի ինչ կայ:

— Դժբախտութիւնը փլաւ մեր զօրագունդին վրայ, պտտասխանեց սպան հեծեծելով: Օգոստափառ կառավարութիւնը որոշած է բնաջինջ ընել թիւրքմէն ազգը և հրաժան ունինք վաղը ճամբայ ելլելու դէպի Մէշտ:

Այս լուրին վրայ, զգացի որ սիրտս կը սեղմուի, և ըրի ինչ որ միւսները կ'ընէին. նստայ ու սկսայ լալ:

Ինչպէս ամէնքդ ալ զիտէք, սարսափելի մարդիկներ են թիւրքմէնները: Տեւական արշաւանքներ, զորք բեաբաօ կ'անուանեն, կը կատարեն Լաւապաշտպան-իրանի իրենց սահմանակից գաւառներուն վրայ, և հարիւրներով կը յափշտակեն կը տանին տեղացի զիւղացիները, ու կը ծախեն իրիվայի և Պուխարայի իւզպէքներուն: Բնական է որ օգոստափառ կառավարութիւնը լաւ կ'ընէ այդ աւազակներուն մինչեւ յետին ճետը բնաջինջել ուղելով. բայց վերջին ծայր չարասիրութիւն չէ՞ միթէ, երբ ձի'ջա մեր զօրագունդը կ'ընտրէ այդ գործին: Ատոր համար է ո՞ր զիշերուան մէկ մասը լալով ու հեծեծելով անցուցինք, բայց, երբ տեսանք որ այս յուսահատութիւնը

բանի մը չէր ծառայեր, վերջ է վերջոյ խնդալ սկըսանք, և արշալոյսին, երբ Տամկանի զօրագունդին մարդիկը եկան մեր տեղը բռնելու, սքանչելի տրամադրութեան մէջ էինք արդէն: Հրացանները առինք, և թաղին մեր բարեկամներուն ու ծանօթներուն հետ մնաս բարովի ողջագուրումներով ամբողջ ժամ մը անցունելէ յետոյ, դուրս ելանք քաղաքէն և գացինք միացանք զօրագունդին մնացած մասին, որ պատեւրագմական կարգով շարուած էր Տօուլէթի դրան առջև: Հոն իմացանք որ նոյն ինքն Արքան պիտի գար աչքէ անցունելու մեզ: Չորս զօրագունդ էինք, և ամէն մէկերնիս պէտք էր հազարական հոգի պարունակէինք, բայց իրականին մէջ հազիւ երեք չորսհարիւր հոգի կը հաշուէր իւրաքանչիւրը: Նախ մեր զօրագունդը կար որ իմամէյի երկրորդ զօրագունդն էր, Սպահանէն զօրագունդ մը, ուրիշ մը կուսէն, և Արտէպիլի առաջինը. ասկէ գտա կային երկու դասակ թնդանօթածիզ և մօտ հազարի մը չափ ալ Սիլսուփուր, Քաքէվէնա և Ալավէնա ցեղերու պատկանող հեծեալներ:

Տեսաւրանը հրաշալի էր իսկապէս: Միւս գունդերու ձերմակ և կապոյտ հագուստներուն քով մեր կարմիր ու ձերմակ համազգեստները չքեղ պատկեր մը կը կազմէին. սպաներնիս ոսկի երիզներով նեղ տաբատներ ու նարնջագոյն, երկնակապոյտ կամ վարդագոյն խուլիճէներ հագած էին: Յետոյ իրարու հետեւ եկան նաև միրքէնձը, զօրաբամնի հրամանատարը, իր հետեւորդներով, էմիր Թուամանը, որ երկու անգամ աւելի զինուորի հրամանատար է, հեծեալներու խոշոր գումարտակով մը, Սիրէհ Սալարը, ալ աւելի մարդոցով չըջապատուած, և էն վերջը նոյն ինքն Արքաներու Արքան, նախարարները, կայսրութեան բոլոր սիւները, ու ծառաներու խումբեր: Հրաշալի էր: Թմբուկները կը գոռային զարհուրելի աղմուկով. և

րոպական երաժշտութիւնը չափով կը նուագէր, մինչ նուագածուները, իրենց տարօրինակ գործիքները ձեռքերնին, կեցած տեղերնին կ'օրօրային, ամբողջութիւնը չի խանդարելու համար, ուղտերու վրայ բեռցուած թնդանօթներու սրինգներն ու ձգաթմբուկները կը սուլէին ու կը թնդային: Մեզ ամէն կողմէ շքշապատող էրիկմարդոց, կանանց ու տղոց ամբոխը գինովցած էր ուրախութենէ, և մենք ալ, հպարտօրէն, ընդհանուր ուրախութեան մասնակից էինք:

Յանկարծ, Արքային մեծամեծներու հետ միասին բարձրաւանդակի մը վերեւ կենալուն վրայ, հրաման տրուեցաւ թամաչայի սպաներուն մէկ ու միւս կողմէն վազելու: Բաւական հետաքրքրական բան է որ եւրոպացիները, որոնց լեզուներն ալ իրենց միտքին չափ այլանդակ են, այս բառը մենէ փոխ առնելու խելքը ունեցած են, բառ մը որ լիովին կ'արտայայտէ տեսարանը: Միայն թէ, բառը արտասանելու իրենց անկարողութեանը համար, այս յիմարները «սոպայա կոյտ» կ'ըսեն անոր: «Թամաչա», ինչպէս ծանօթ է ամէնուն, ան է ինչ որ կը ծառայէ աղուոր տեսարան մը կազմելու, և միակ օգտակար բանն է աս զոր երջբէք նշմարած ըլլամ եւրոպական ուղմածելին մէջ: Բայց խոստովանելու է որ հիանալի է: Ամենասիրովէ երիտասարդներ, լաւագոյն կերպով հագուած, գեղեցիկ ձիեր հեծած, քառասմբակ կը վազեն ամէն կողմէ, կ'երթան. կուզան, կը դառնան. յափշտակիչ տեսարան է. թոյլ չի տրուիր որ դանդաղ երթան, որովհետեւի հաճոյքը կը խանդարի. շատ սիրուն գիւտ է, գովեալ լի ըլլայ Աստուած:

Երբ Արքան ատեն մը զբոսնեցաւ այս թամաչանը գիտելով, ուղեցին իրեն ցոյց տալ թէ ինչպէս պիտի վարուէին թիւրքմէններուն հետ. ստոր համար ական մը պատրաստուած էր զոր պայթեցուցին: Մինակ, ր

ժամանակ չի ձգեցին որ շուրջի զինուորներուն ետ քաշուելու հրամանը տրուի, որով երեք չորս հոգի մը սպաննուեցան: Այս դէպքէն դուրս, ամէն բան շատ կարգին գնաց ու շատ զուարճացանք: Յետոյ, երեք օդապարիկ թռցուցին, ինչ որ ուժեղ ծափահարութիւններ խլեց ամէնէն, և վերջապէս հետեւակ, հեծեալ ու թնդանօթածիգ անցանք Արքային առջեւէն, և իրիկունը, հրաման ստացանք անմիջապէս ձամբած ելլելու, ինչ որ կատարեցինք երկու օր յետոյ:

Աղուոր անցաւ մեր ձամբորդութեան առաջին շաբաթը, զօրագունդը կը յառաջանար լեռներուն ստորոտները քերելով, հիւսիս—արեւելեան ուղղութեամբ: Հրամատարնիս, հազարապետնիս, համարակալը, գընդապետներուն մեծ մասը, երկու ամիս քալելէ յետոյ միայն, Մէշէտի մէջ կամ ուրիշ տեղ մը պիտի գըտնէինք: Մենք ամէնքս ալ պարզ զինուորներ էինք, երեք չորս սուլթաններով, նախապետով ու վէքիլներով: Քաջաբար կը քալէինք: Ամէն օր, առտուան ժամը երկուքին ատենները, ձամբայ կ'ելլէինք, կը քալէինք մինչեւ կէս օր, մինչեւ որ ջուր գտնուող տեղէն և է տեղ մը հասնէինք, ու կը տեղաւորուէինք հոն: Պզտիկ խումբերով կը յառաջանայինք, ուզողը կը թիանար ուզածին, քեյքը ինչպէս որ ուզէր: Երբ մէկը ուզէր, կը կենար ձամբան, կը քնանար ուզածին չափ, յետոյ կը հասնէր գունդին: Միասին ունէինք շերտ երկար շարք մը, ինչպէս զօրագունդերուն ստորութիւնն է, որոնց բեռցուցած էինք մեր բեռները, ունեցողին պաշարը և մեր հրացաններն ու փամփշտոցները, որովհետեւ կը հասկնաք հարկաւ թէ ոչ մէկը զայնչափ ապուշ է որ ինք իր կոնակը առնէ իր զէնքերը. օգուտը ինչ պիտի ըլլայ: Քանի մը սպաներ, մինչեւ տաս տասներկու էշ ունէին. բայց մեր գունդէն երկու զինուոր քսան հատ ունէին զորս թէհրա-

նէն գներ էին մեկնելու պահուն. ես ալ ընկերացած էի իրենց, որովհետեւ հասկցեր էի որ լաւ գաղափար մըն էր ատ :

Մեր այս քսան էշերուն բեռցուցած էինք բրինձ ու կարագ, ու երբ մէնգիլ մը հասնէինք, այսինքն կայան մը, վար կ'առնէինք բրինձի, կարագի ամանները, նոյն իսկ թէնպէքի, ու բաւական բարձր գիներով կը նախէինք: Բայց հակառակ բարձր գիներնու, կը գնէին նորէն, և մեր ձեռնարկը խիստ շահաւետ եղած էր, որովհետեւ ստիպուած էին անպատշաճ մեզի գիմելու, և եթէ մենք չըլլայինք, առաջին օրերէն իսկ անսուաղութեան մէջ պիտի իյնային:

Ամէնքն ալ գիտեն թէ իրանի ընդարձակ հովիտներուն մէջ, մանաւանդ ճիշտ անոնց մէջ ուրիշ ճամբաները կ'անցնին, շատ քիչ գիւղեր կան. այն չափ յիմար չեն գիւղացիները որ երթան ճիշտ գիւղերնորներուն անցած ճամբաներուն վրայ գիւղ չիտեն Այ դուլ զազար չպիտի տեսնէին, և չուտով անօթութենէ պիտի մեռնէին. ու դեռ չեմ հաշուեր բոլոր միւս անպատեհութիւնները որ գլուխներ չպիտի պակսէր: Ասոր համար է որ կարելի եղածին չափ հեռու կը մնան ճամբաներէ, որպէս զի գիւղին չըլլայ մինչեւ իրենց հասնելը: Բայց գիւղերներն ալ ձախաւեն չպիտանաք. երբ մէնգիլ մը հասնէինք, նոյն տեղի ծանօթները տեղեկութիւններ կուտային մեզի. է՛քիչ յոգնածները փնտռուքի կ'ըլլային, և շատ անգամ տակաւին երեք չորս մզոն տեղ քալել պէտք կ'ըլլար, յետոյ նոյնչափ ալ վերադառնալու համար Բայց պաշարնիս աւելցնելու յոյսը յոգնութիւննի մտոցնել կուտար մեզ: Անհրաժեշտ էր յանկարծ մտնել գիւղը և ատիկա միշտ գիւղին չէր: Այնչափ խորամանկ են այդ գիւղացիները, այդ անիծեալ շուներ որ, տեսա՞ն մի մեզ հեռուէն, ամէնքը միասին, էրիկ

արդ, կին, տղայ փախչող փախչողի կ'ըլլային, ու ցածնուն մինչեւ վերջին մասնիկը միասին տանելով. ունին չորս մերկ պատերը միայն կը գտնէինք առանց անելու բանի մը, և ձեռնունայն կը դառնայինք քառաստիկ յոգնած, և ամէն բանի վրայ ընկերներնու չար ստակներուն նշաւակ: Բայց երբ բաղդերնիս կը բանէր, և ձեռք կ'անցունէինք գիւղացիները, ա՛հ, յանուն Ասուծոյ կ'ապահովցնեմ ձեզ որ գաւազանը կատաղօրէն կը ործէր, խուրբու պէս կ'իջեցնէինք ու կը վերադառնայինք ցորենով, բրինձով, ոչխարներով ու հաւերով տնաւոր: Բայց միշտ այսպէս չէր ըլլար. կը պատահէր որ անգութ ու դժնէ մարդոց ալ հանդիպէինք, ունք, մեզմէ աւելի բազմաթիւ, հրացաններով կ'ընդունին մեզ. այդ պարագաներուն կծիկը կը գնէինք իսն, շատ երջանիկ եթէ աւելի գէշ չի վերջանար ցորէրը: Ասանկ պարագաներու, ս'ի ուժեղ սրունքներնի, խեղճ արարած է շիտակը:

Անարդար պիտի ըլլար չի խոստարա՞ն էլ թէ օգոստոսիս կատաւարութիւնը ծանուցած է՛ր, թէ ամբողջ պատերազմի ընթացքին սքանչելիօրէն պիտի կեկրուէինք: Բայց ոչ մէկը ատոր հաւատացած էր: Ասոնք անկ բաներ են որ օգոստոսիս կատաւարութիւննէ միշտ կը խոստանան, բայց երբք չեն կարող գորչրնլ: Ընդհանուր հրամանատարը երբք մտքէն անցունէր զինուորին աղէկ կերցնելով վատնել իր դրա՞նը կրնայ գրպանը պահել: Ծձմարտութիւնը այն քոր երկու շաբաթ յետոյ, ալ ծախելու բրինձ չունէր լով զոցեցինք խանութնիս, երկու ընկերներս ու ես. իրելի չէր ամբողջ զօրագունդին մէջ խեղճուկրակ կու հաց գտնել, ու սկսանք էշերը ուտել: Խորասանի գիւղացիներէն վայրագ մարդ չեմ տեսած. ամբացած ղերու մէջ կը բնակին, ու երբ խեղճ զինուոր մը անայ, գուռներնին կը փակեն, պատերնուն վրայ

կը բարձրանան և եթէ զգուշութիւնը ձեռք չառնես ա-
 ճապարանօք հեռանալու, գնդակներու տարախ մը կ'ըն-
 դունիս որ երբեք պարապը չերթար: Իցի՛ւ թէ այս
 սոսկալի մարդասպաններու հայրերն ու պապերը յա-
 ւիտեան այրէին զհիններն ամէնէն խորունկ տեղը և եր-
 բեք մխիթարութիւն չի գտնէին: Ինչալլահ, ինչալլահ,
 ինչալլահ:

Սկսանք ուրեմն էչերը, այդ խեղճերը, ուտել, ու-
 րոնցմէ, մոոցայ ըսելու, շատ չէր մնացած արդէն: Ու-
 տելիք բան չի գտնելով, սկսեր էին կամաց կամաց
 սատկիլ իրարու ետեւէ և անոնց դիակները կը ցուցու-
 նէին մեր անցած ճամբան: Այն քանի մը հատը զօր
 անձուն գժուարութիւններով կը պահէինք, շատ գէշ
 կը կերակրուէին. ամէն անգամ կայան մը հասնելունս,
 երթալ հեռուները լեռներուն մէջ անոնց համար խոտ
 հաւաքելու յոգնութիւնն ալ ունէինք: Արդէն յողնու-
 թեան հատեր լմնցեր էին: Գիտեմ որ կանուխէն
 սկսեր էինք զիրենք թեթեւցնել մեր հրացաններէն ու
 փամփշտակալներէն, զորս անապատին մէջ հանդիպած
 տեղերնիս կը նետէինք, բայց կրցածնուս չափ երկար
 ատեն աշխատած էինք անոնց կրել տալ մեր լեռները:
 Ի վերջոյ սակայն ստիպուեցանք մե'ր կոնսակը առնել
 ինչ որ ամէնէն թանկագինը սեպեցինք մեր ունեցած-
 ներուն: Բայց էն սարսափելին, ջուրի չգոյութիւնն էր:
 Օրուան կէսէն աւելին կ'անցունէինք քիչ մը ջուր գըտ-
 նելու համար հողին մէջ ձակեր բանալու: Ամէնէն
 բախտաւոր պարագաներուն, կը յաջողէինք ազտոտ
 ցելս մը երեւան հանել զոր մեր լաթերէն անցունելով
 կրցածնուս չափ կը յստակէինք: Վերջ ի վերջոյ ու-
 տելիք խոտ մինակ, քիչ մը խոտ գտանք: Մեր ընկեր-
 ներէն շատերը էչերուն պէս ըրին, մեռան: Բոլոր ատոնք
 սակայն արդելք չէին ըլլար որ չերգէինք. որովհետեւ
 եթէ պէտք ըլլար կեանքին անխուսափելի չարիք-

ներուն համար յուսահատիլ, աւելի աղէկ էր աշխարհ
 չի գալ, և, յետոյ, համբերութիւնով ամէն բան կարգի
 կը մտնէ: Ապացոյցը ան է որ զօրագունդին մնացեալ
 մասը հասա'ւ Մէշէտ:

Շիտակը ըսելով, երբ Սուրբ քաղաքը մտանք,
 աղուոր երեւոյթ չունէինք բնաւ: Համարակալը քանի
 մը գնդապետի ու տեսակ տեսակ մսեղէններ ծախող վա-
 ճառականներու հետ ընդատաջ եկեր էր մեզի: Բաւա-
 կան սուղ վճարեցինք ինչ որ գնեցինք. այնչափ անօ-
 թի էինք որ չի կրցանք երկար սակարկութիւններ ը-
 նել: Մարդ չի կրնար գիտնալ, երբ ասանկ բաներ չէ
 անցած գլխէն, չի կրնար գիտնալ, երբ ասանկ բաներ չէ
 երկու աչքերսովը գիտել ոչխարի խաչած գլուխ մը զօր
 փեղի կ'ել Օլջենն: Հոտ մեր ըրած պատուական ճաշը
 ուրախութիւնը վերադարձուց մեր սրտերուն մէջ: Հա-
 մարակալը շանորդիներ պոտաց երեսնուս ճամբան հը-
 տացանները կորսնցուցած ըլլալունս համար, բայց քա-
 լական թիւով ուրիշներ բաժնեց մեզ, զանոնք այս պարա-
 դային համար Խոսրովայի զօրագունդէն փոխ առնելով, և
 երբ ամէնուս մտանակցութեամբը պզտիկ նուէր մը մա-
 տուցինք իրեն, ներշնչակութիւնը տիրեց նորէն մեր
 ու անոր միջեւ: Որոշուեցաւ որ մեր ընթացքին մասին
 նպաստաւոր տեղեկագիր մը տայ գնդապետին, որուն
 համար ալ պատրաստեցինք ուրիշ նուէր մը, որ մեզի
 տառը թուման արժեց: Այս կարգադրութիւնները ընելէ
 յետոյ, հետեւեալ օրուան համար որոշեցինք քաղաք
 մեր մուտքը:

Որոշուած ժամուն, նախապէս հասած զօրագուն-
 դերու թմրկահարները եկան շարուեցան առջեւնիս:
 Անհրաժեշտ էին ատոնք, որովհետեւ հրացաններուն հետ
 մեր թմրուկներն ալ նետեր էինք: Մեծ խուճի մը
 սպաներ, հեծած բոլոր այն ձիերուն վրայ զորս կա-
 րելի եղած էր գտնել, եկան կեցան թմրկահարներուն

ետեւ, և սկսանք յառաջանալ կարելի եղածին չափ կանոնաւոր կարգով: Երկու երեք հարիւր մը ըլլալու էինք քաղաքացիները բաւական անտարբերութեամբ դիմաւորեցին մեզ, որովհետեւ ամիսէ մը ի վեր այս տեսակ տեսարաններ կը հրամցուէր իրենց, ու մեծ հրատրոյս մը չէր մնացած ալ: Տեղ մը ցուցուցին վրանները լարելու: Բայց որովհետեւ հողը ճահճոտ էր, ամէնքս ալ հոս ու հոն ցրուեցանք, քաղաքին մէջ ապաստանարան մը երկինքովն քը հոգալու համար պէտք եղածը գտնելու յոյսով:

Իմ մասիս, ես անմիջապէս քայլերս ուղղեցի դէպի Սուրբ Իմամներու մզկիթը: Աղօթելու պէ՛տքը զիս կը քաշէր հոն, բայց նաեւ այն յոյսը թէ թերեւս կրնայի հոն պնակ մը ապուր ձեռք անցունել, ինչպէ՛ս որ թիւն է թշուառներուն բաժնել, և, կարծես, է, իրաւունք ունէի զիս ալ թշուառներու մէջ դասելու: Տիեզերքն ամբողջ չի ճանչնար ոչինչ աւելի գեղեցիկ քան Մէշէտի պատկանելի մզկիթը: Իր ընդարձակ կամարը, մեծաշուք ու պերճ իր դուռը, իր ամէն կողմերէն վեր բարձրացող գմբեթիկները, որոնք ամէնքն ալ, վերէն վար, կապոյտ, դեղին ու սև կիտուածանկար աղիւսներով ծածկուած են, և իր շքեղ բակը ապստարհեռու յատկացուած իր ընդարձակ աւազանով, ամբողջ այս տեսարանը մարդս սքանչացումէն կը վերացնէ: Ատուռընէ մինչև իրիկուն, իրանէն, թուրքաստանէն, Հնդկաստանի խորերէն և Ռուսի հեռաւոր երկիրներէն եկող ուխտաւորներու բազմութիւններ իմամ Բիզայի (թող փառաւորուի իր անունը) կը բերեն ծնրադրութիւններու, աղօթքներու, նուէրներու և ողորմութիւններու իրենց անդադրում հարկը: Նուիրական միջոցը աղձկոտ բազմութեամբ մը լեցուն է միշտ. աղքատներու ամբողջ խումբեր կուգան կը ստանան հոնկէ մօլլաներու ամէն օր իրենց համար պատրաստած կերակուր: Բը: Այս պատճառով է որ այս աղքատները ուրախութեամբ

յանձն կ'առնեն մեռնիլ մզկիթին առանձնաշնորհներուն համար: Բազմութեան մէջէն, յարգանքով ու յուզմունքով կը յառաջանայի, ու երբ կամաց մը գննապահներէն մէկուն, որուն գլուխը ընդարձակ ու գիտնականներու վայել ձերտակ փաթթոցով մը ծածկուած էր, կը հարցնէի թէ ուր դիմելու էի ապուրէն բաժինս ստանալու համար, այս արժանապատիւ ու յարգամեծար փաթթոցաւորը, կամ աւելի ճիշտը այդ փաթթոցը կրող գլուխը դարմացկոտ, յետոյ ուրախ դէմք մը ցոյց տուաւ ինձի, և լայնատարած սև մօրուքի մը մէջտեղը բացուող լայն բերան մը, մինչ երփնապակիէ երկու աչքեր ուրախութենէ կը փայլէին, սկսաւ գոհունակութեան աղաղակներ արձակել.

— Օրհնեա՛լ ըլլան սուրբ Իմամները: Դո՛ւն ես, դո՛ւն, Պապա-Աղա:

— Նոյն ինքն, պատասխանեցի չեչտակի նայելով խօսակցիս երեսին, և վայրկեան մը վարանելէ յետոյ, կատարելապէս յիշելով զինքը.

— Վալլահ, Պիլլահ, Թալլահ, պոռացի, դո՛ւն ես, հօրեղբորորդի Սիւլէյման:

— Նոյն ինքն, բարեկա՛մս, աղղակա՛նս, աչքերուս լո՛յսը: Ի՞նչ եղաւ մեր Լէյլան:

— Աւա՛ղ, պատասխանեցի, մեռա՛ւ:

— Օ՛հ, Աստուած իմ, ի՞նչ դժբախտութիւն:

— Մեռա՛ւ, շարունակեցի վշտահար դէմքով, հոս կ'ըլլայի՞ եթէ մեռած չ'ըլլար: Խամսայի երկրորդ գօրադունդին մէջ գնդապետ եմ և քեզ տեսնելուս շատ երջանիկ:

Սիւլէյմանին այսպէս Լէյլան մեռաւ ըսել միտք ըրի, որովհետեւ չէի սիրեր անոր վրայ հետը խօսիլ և կարելի եղածին չափ շուտով խօսակցութեան ուրիշ նիւթի մը անցնիլ կ'ուզէի, բայց անտեղուանքը չեղաւ:

— Գթա՛ծ Աստուած, գոչեց, մեռա՛ւ. Լէյլան մե-

ուս: Ու դուն ալ թող տուիր որ մեռնի՞, թշուառահան: Չէի՞ր գիտեր թէ միակ ան կը սիրեմ՝ աշխարհի վրայ և ինքն ալ զիս մինակ սիրած է:

— Օհ, գոչեցի բարկութեամբ, քե՞զ մինակ, քե՞զ մինակ, քիչ մը յանդուգն բան է ըսածդ: Եթէ այդպէս էր, ինչո՞ւ չամուսնացար հետը:

— Որովհետեւ տասնոց մը անգամ չունէի, ոչինչ: Բայց ամուսնացած օրդ իսկ երդում ըրաւ ինձի, իրեն տուն մը տալու չափ հարստութիւն ունեցածիս պէս ձգել քեզ ու գալ զիս գտնելու: Մտոր համար էր որ մեկնեցայ գիւղէն, հոս եկայ, մզկիթին դռնապանը եղայ, և հիմակուան վիճակս պիտի իմացնէի իրեն, երբ ահաւասիկ այս անապատելի հարուածը կ'իջեցնես գլխուս:

Այս խօսքերուն վրայ սկսաւ լալ ու պոռալ, գլուխը օրօրելով: Երեսին բուռնցքի փառաւոր հարուած մը իջեցնելու փափաք մը կը զգայի, այնչափ դժգոհ էի ինձի յայտնած գաղտնիքէն. բարեբախտաբար ատենի՞ն յիշեցի թէ հիմա ատիկա շատ աւելի Քէրիմին գործն է՛ր քան թէ իմ, և բաւականացայ պոռալով:

— Խեղճ Լէյլա: Մեզ երկուքս ալ շատ սիրեց: Ա՛խ, ի՛նչ դժբախտութիւն որ մեռաւ:

Այս խօսքերուն վրայ, Սիւլէյման թեւերուս մէջ ինկաւ ու՝

— Բարեկամս, ըսաւ, հօրեղբորդիս, աշխարհի վրայ ալ մխիթարութիւն չմնաց մեզի, քեզի ալ, ինձի ալ: Եկուր տունս, հիւրս եղիր, և որչափ ատեն որ Մէշէտ մնաս, ունեցածս քուկող թող ըլլայ:

Սիրելի Սիւլէյմանին, զոր սիրախ խորէն միշտ սիրած էի, սիրտին բարութեան այս ապացոյցին վրայ խորապէս զգածուեցայ, և զինքը այս աստիճան վըտազին վիճակի մէջ տեսնելով, ամենաանկեղծ սիրտով ցաւակցեցայ իրեն և արցունքներս իրեններուն խառնելով, ես ալ լալ սկսայ: Անցանք ընդարձակ բակէն,

ուր ճամբան զիս կը ներկայացնէր բոլոր մեր հանդիպած մօլլաներուն:

— Ահաւասիկ, կ'ըսէր, հօրեղբորդիս՝ Աղա-Խան, Խամսայի զօրագունդին համարակալը, հին ժամանակներու հերոս մը, որու ո՛չ Բուսթէմ, ո՛չ Աֆրասիապ կը հաւասարին: Եթէ հաճիք գալ գաւաթ մը թէյ խմել մեզի հետ, վերջին ծայր պատուած պիտի ըլլաք խեղճուկ անակս:

Երկու շաբաթ մնացի Մօլլա-Սիւլէյմանի տունը: Հեշտագին օրերու վայրկեան մը, շա՛տ կարճ վայրկեան մը եղան այդ օրերը: Այդ օրերուն կը հաւաքէին զօրագունդերու բեկորները, որոնց մեծագոյն մասը մերինէն լաւագոյն վիճակ մը չունէին բնաւ, և շատ հասկնալի էր այդ բանը, այդ երկար ճամբորդութենէն յետոյ: Մեզի, կամ աւելի ճիշտը մենէ մէկ քանիին կօշիկներ բաշխեցին, հրացաններ, կամ հրացանի նմանող գործիքներ մը տուին ձեռքերնիս: Ետքը պիտի խօսիմ ատոնց մասին: Երբ գրեթէ աւարտեցինք պատրաստութիւննիս, առտու մըն ալ իմացանք որ մեկնումի հրամանը եկած է և զօրագունդը ճամբայ պիտի ելլէ գէպի Մէրվ: Շատ գոհ չմնացի շիտակը: Այս անգամ, ասիկա կը նշանակէր ուղղակի երթալ Թիւրքմէններու հորդաներուն մէջ, և Ստուած միայն գիտէ թէ ինչե՞ր կրնային պատահիլ հոն: Շատ փառք գիշեր մը անցուցի Մօլլա Սիւլէյմանի հետ. զատուական մարզը շատ ձիգ թափեց զիս մխիթարելու համար, և շատ մը գաւաթ թէյ լեցուց առատ շաքարով, քիչ մըն ալ օղի խմեցինք: Նորէն Լէյլային մասին խօսեցանք և թերեւս տասներորդ անգամը ըլլալով ինձի պատմել տուաւ խեղճ աղջկան մահուան մանրամասնութիւնները: Մէկ երկու անգամ միտքէս անցուցի սուտը երեւան հանել, բայց քանի որ գէպերը այդ կերպով պատմեր էի անգամ

մը, ինծի աւելի բնական եկաւ նոյն ձեւով ալ շարու
 նակել, և խեղճ մարդը նոր վարանումներու մէջ չ
 նետելը: Խեղճ բարեկամս: Այնչափ բարի գտնուե
 էր ինծի հանգէպ որ մելամաղձիկ հաճոյք մը զգացի
 իմ այս տրամադրութեանս մէջ, նոր մանրամասնու
 թիւններ վերյուշելով նախորդ պատմածներուս վրայ
 որոնց այս անգամ, խառնեցի նախապէս ուշադրու
 թենէս վրիպած յիշողութիւններ, որոնցմէ յայտնի
 կ'ըլլար թէ խեղճ աղջիկը, զոր երկուքս միասին կ'ող
 բայինք, վերջին շունչը տալէ առաջ մեծ գորովանքով
 յիշած էր զինքը: Չեմ կարող կատարելապէս վստա
 հացնել ձեզ թէ բոլոր պատմածներս սուտ ու փուտ
 բաներ էին, որովհետեւ ես իմ վրաս և ուրիշներուն
 ալ վրայ խանդաղատելու այնքան պահանջ ունէի որ
 տխուր և յուզիչ նախադատութիւնները ինքնին կ'ել
 լէին բերանէս և հաւատացէք, կրնամ վստահացնել
 ձեզ թէ ուղղակի սիրաէ'ս բխելով կը խօսէի այդ
 բաները: Սիւլէյմանն ու ես նորէն մեր արցունքները
 իրար խառնեցինք և երբ ատուան դէմ բաժնուեցայ
 իրմէն, սիրտիս է'ն խորունկէն երգուընցայ թէ զին
 քը բնաւ երբեք չպիտի մոռնայի ալ, և կը տեսնէք
 թէ խօսքս կը բռնեմ: Ան ալ իր կողմէն ճշմարիտ
 սիրով մը ողջագուրեց զիս: Գացի հասայ ընկերնե
 րուս, ու զօրագունը ճամբայ ելաւ, ես ալ միասին,
 կարգերուն մէջ, վէքիլիս քովէն:

Խիստ շատուոր էինք: Հեծեալներու անցնիլը տե
 սայ. հարաւի և արեւմուտքի ցեղերուն կը պատկա
 նէին: Բաւական աղուոր, մենէ շատ աղէկ երեւոյթ
 ունէին, բայց իրենց գէշ կերակրուած ձիերը մեծ բան
 մը չէին արժեր: Հրամանատարները Մէշէտ մնացած
 էին: Կ'երեւայ թէ բացարձակապէս անհրաժեշտ է որ
 այդպէս ըլլայ, որովհետեւ հեռուէն աւելի լաւ կարելի է
 կառավարել քան մօտէն: Զօրապետներն ալ հետեւած

ին հրամանատարներուն, անշուշտ միեւնոյն պատ
 ճառներով: Մէկ խօսքով, գնդապետի աստիճանէն վեր
 թիչ սպայ ունէինք միասին, և շատ աղէկ էր այսպէս,
 որովհետեւ սպաները ոչ թէ կուտելու, այլ զինուորին
 սոճիկը ուտելու համար միայն ստեղծուած են: Գրե
 թէ բոլոր պետերը թափառական ձիւորներն էին.
 ասոնք մեզի հետ կուգային. բայց զիտէք թէ այս
 տեսակի մարդիկը խիստ քիչ զարգացած կ'ըլլան, կո
 պիտ, ու կուրէն ուրիշ բան չեն մտածեր: Թնդանօթները
 առջեւէն զրկած էին:

Երեք օրէ ի վեր կը քայլէինք, տեղատարափ անձ
 բեւ կուգար և սաստիկ ցուրտ մը կար: Սկոտ գետ
 նի մը վրայէն խիստ գծուարութեամբ կը քայլէինք, և
 անոնք որ չէին սահներ, երբեմն մինչեւ կէս ոտքերնին
 ցելսին մէջ կը մխուէին. ամէն վայրկեան առջեւնիս
 աղմուտ ջուրերով լեցուն լայն բացուածքներ կ'ելլէին,
 ուրկէ անցնիլ պէտք էր, և զիւրիւն գործ չէր աս:
 Արդէն կորսնցուցեր էի կօշիկներս, և բոլոր ընկեր
 ներուս պէս այնչափ ինկեր ելեր էի մօրատներու մէջ,
 այնչափ անգամ մինչեւ գօտիս ջուրերու մէջ մտեր ու
 չորս ձեռքով ցից պարափներէ վեր մագլցեր էի, որ ցե
 խով ծածկուած էր վրաս գլուխս, ու այնչափ թրջեր
 էի որ կը գողզայ պաղէն: Նախորդ իրիկուընէ ի վեր
 բան ալ կերած չէի: Յանկարծ, թնդանօթը գոռաց.
 միաժամանակ բոլոր ջոկատները միասին կանգ առին:

Իմացանք թնդանօթը, շատ մը համազարկեր ալ
 լսեցինք, ու նորէն յանկարծ, ալ ոչինչ: Վայրկեան մը
 լուսութիւն տիրեց. ու մէկէնիմէկ թնդանօթաձիգներու
 հումը մը ինկաւ մեր մէջտեղը, ձիերնին ստրակելով
 խելայեղօրէն և վրանիս նետուելով: Քանի մը հոգի,
 անոնք որ ատենին մէկ կողմ չի կրցան քաշուիլ,
 կտոր կտոր եղան: Ոստոստելով, ցատկրտելով, ելլե
 լով իշնալով, թնդանօթներէն մէկ քանին ցելսին մէջ

Թաղուեցան, մէկ քանին ինկան ջուրին մէջ. թը
 դանօթածիգները կտրեցին ձիերուն կապերը և քառ
 սմբակ փախան, հովերուն պէս արագ: Եչնկոց մը
 յորձանք մը, իրար խառնուել մը, փայլակ մը. հա
 կընայու ժամանակ չունեցանք, և գրեթէ անմիջապէս
 առաջին գիծին վրայ գտնուողները ձիաւորներու ամ
 մը տեսան որ արագօրէն գէպի մեր կողմը կը յառ
 ջանար: Ընդհանուր աղաղակ մը բարձրացաւ.

— Թիւրքմէնները, Թիւրքմէնները, կրակ:

Բացարձակապէս ոչինչ զանազանցի, տեսայ քան
 մը հողիներ որոնք փոխանակ զէնքերնին ուղղելու
 թնդանօթածիգներուն հակէն նետուեցան. ես այնոյ
 բանը ընելու վրայ էի, երբ վէքիլը թեւէս ըսնե
 կեցուց ու ականջս ի վար գոչեց ընդհանուր աղմուկի
 մէջ.

— Բոնէ ինքզինքդ, Աղա-Պէյ, այսօրուան փախ
 չողները կորսուածէն սեպէ:

Իրաւունք ունէր, բացարձակապէս իրաւունք
 պատուական վէքիլը, և աչքերս անմիջապէս վկայե
 ցին ատոր: Տեսայ, ինչպէս ձեզ կը տեսնեմ հիմա
 ձիաւորներու այս խումբը, կարծես կախարդուած ըլ
 լար, հազարաւոր պղտիկ գունդերու բաժնուեցաւ
 որոնք գաշտին մէջ ամէն ուղղութեամբ վազելով և
 տեղւոյն լաւատեղեակ մարդոց ճարպիկութիւնով
 բոլոր արգելքներէն խուսափելով, փախստականներու
 ճամբաները կը կտրէին, կը շրջապատէին և հարու
 հարուածի իջեցնելով, կ'առնէին զէնքերնին ձեռքերնէ
 և հարիւրաւոր գերի կը բռնէին:

— Կը տեսնէ՞ք, տղաքս, կը տեսնէ՞ք, պոռա
 նորէն վէքիլը, այս բախտը կը սպասէ ձեզի ալ, մեզ
 ալ, եթէ չի կրնանք միասին մնալ. օ՛ն, քաջութիւն
 ամուր կեցէք, կրակ:

Գրեթէ յիսուն հողի մը կայինք: Աչքերնուս ատ

ու պարզուած զարհուրելի տեսարանը տեղակալին
 արխոյսներուն անանկ ուժ մը տուաւ, որ երբ այս
 անիծեալ աւարտուներէն խոչոր մաս մը գէպի մեր
 կողմը յառաջացաւ, մեր խումբը արագօրէն կձկուե
 աւ, և կրակ ըրինք ի՛րապէս, լեցուցինք, նորէն
 րակեցինք, երբորդ անգամ մըն ալ, չորբորդ անգամ
 ըն ալ: Սուրբ Իմամներուն անունով, տեսնք այս
 ճերտակոսներուն, այս անիծեալ չուներուն, Ա
 ղուպէքիբի, Օմարի և Օսմանի այս կուսակիցներուն
 մէկ քանին գետին գլտորելը. իցիւ յաւիտեան գե
 ինին մէջ տոչորին այս հրէշները: Տեսնք անոնց
 յնայլը, կ'ըսեմ, և այդ տեսարանը անանկ ողբերու
 թիւն մը տուաւ մեզ որ, վէքիլի հրամանատարու
 թեան տակ և առանց իրարմէ բաժնուելու, մէկ շար
 թումով յառաջ նետուեցանք, երթալ հասնելու սա
 թհամիին որ կանգ առեր էր ու մեր վրայ չէր գար:
 Այրկեան մը վարանելէ յետոյ, ետ քաշուեցաւ ու
 իախաւ: Այդ միջոցին, միւս թիւրքմէն հրոսները կը
 արունակէին հալածել փախստականները, հաւաքել,
 քանի մը հատը սպաննել, ծեծել և քալելու կարող
 ները առնել տանիլ:

Յաղթութեան աղաղակներ արձակեցինք. Ալլահ,
 Ալլահ, ես Ալլի, ես Հասան, ես Հիւսէին, Ուրախու
 թեան զագաթնակէտը հասած էինք. ազատած էինք,
 բանէ չէինք վախնար ալ:

Իրականին մէջ կատարելապէս երջանիկ էինք:
 Իր խումբը կազմող շուրջ յիսուն հողին վրայ հաս
 ցեր էինք որ մեր հրացաններէն երեսունը ի վիճակի
 ին մեզ ծառայելու: Ոսքս իմինիս մասին չէ. նախ
 նիկ չունէր, յետոյ փողը ձաթած էր: Եւ սակայն,
 նորէն լաւ զէնք մըն էր, ինչպէս վերջէն հասկցայ.
 ու սուինը ազոյց չունէր, բայց հաստ չուանով մը
 կապած էի ու հրաշալիօրէն ամուրցուցեր, և առիթի

կը սպասէի զայն գործածելու համար:

Աւելցնեմ որ մեր օրինակը հետեւողներ ալ ունեցած էր: Քիչ մը հետուն, երեք չորս խումբ նշմարեցինք մեր զինուորներէն որոնք կրակ կ'ընէին, և թիւրքմէնները չէին համարձակեր մօտենալ: Ատոնցմէ զատ, շուրջ երեք-չորս հարիւր ձիաւորներու գունդ մը, շոյա ու ճարտար կերպով գրոհ տուեր էր թշնամիին վրայ ու գերիներ ու թնդանօթ մը ետ ատեր անկէ: Դժբախտաբար, չէինք զիտեր թէ ի՛նչ եղեր էին թնդանօթաձիգները ու անոնց պարենարկիղները. թնդանօթը փոս մը նետեցինք: Փամ մը ամբողջ, կը նշմարէինք թիւրքմէնները, որոնք հետուն կը շարունակէին մեր մարդիկները հաւաքել, ուրկէ յետոյ հորիզոնին վրայ աներեւոյթ եղան իրենց զերիներուն հետ: Այն ատեն մեր զանազան զօրագունդերը իրարու մօտեցան ու տեսանք որ բոլորս միասին 7-800 հոգիի չափ կայինք: Շատ չէր երբ նկատի առնենք որ Մէչէտէն դուրս ելած ատեննիս 6-7000 հոգի էինք: Բայց վերջապէս աս ալ բան մըն էր, և երբ քով քովի եկանք, նկատելով թէ ի՛նչ առիւծներ էինք ամէնքս ալ, վայրկեան մը խակ չի կատկածեցանք թէ պիտի կրնայինք անանկ գետին մը հասնիլ ուր թիւրքմէնները ի վիճակի չպիտի ըլլային մեզ բռնելու: Այնքան գոհ էինք որ ոչինչ դժուար կ'երեւար մեզի:

Պատահեցաւ որ մեր պետը ձիաւորներու Եիւզ-Պաշին ըլլայ, Ռէզի-Խան, քիւրտ մը, որ խոչոր աղւոր մարդ մըն էր, կարճ մօրուքով, կրակէ աչքերով, և շքեղօրէն հագուած: Այնչափ ուրախ էր որ կարծես իր երջանկութիւնը ձին անգամ կը գերազրդուէր, և մարդ ու անասուն իրենց ամէն մէկ շարժումներէն բոցեր կը ժայթքէին: Կար նաև Պախթարիներէն Ապիւլ Բահիւ անուն մէկը, փիղի ուսերով խոչոր կտրիճ մը, որ միշտ կը գոչէր:

— Տղա՛քս, տղա՛քս, ճշմարիտ Ռուսթէմներ, ճշմարիտ Իսքէնտէրներ էք ամէնքդ ալ: Մինչեւ վերջին մարդը սա թիւրքմէն սինլքորները բնաջինջ պիտի բնենք:

Յափշտակուած էինք. երգել սկսանք: Հետեւակ զօրքը երկու պետ ունէր, տեղակալ մը, զոր չեմ ճանչնար ու մեր վէքիլը: Պատուական մարդը գոչեց.

— Հիմա խնդիրը ուտելիքն ու վառօդն է:

Նոր զգացինք թէ անօթութենէ կը մեռնէինք: Դարմանը կար սակայն: Ամէնքս մէկ զաշտին մէջ խոտ քաղելու սկսանք: Մէկ մասը ձիերուն պահեցինք, և մնացածովը ապուր մը որոչեցինք պատրաստել: Բայց անձրեւը տեղատարափ կը վազէր, և սանաւանդ աւելի դժուար էր կրակ վառելը, որովհետեւ փայտ չկար: Կարելի էր չոր խոտով վառել, ուրկէ ուղածնու չափ ունէինք, բայց ան ալ այնչափ ջուր ծծած էր որ, համակերպեցանք իր վիճակին մէջ ուտելու խոտը: Լաւ բան մը չէր, բայց ստամոքսը կը լենար ու ալ չէր պոռար: Դժուարը վառօդի խնդիրն էր: Մէչէտէն մեկնած օրերնիս չէին տուած: Հրամանատարները ծախած էին զանոնք: Ու երբ հիմա պէտք եղաւ հայթայթել, դժուար բան եղաւ: Մեռելինք ըրու վրայէն քանի մը փամփուշտ հաւաքեցինք: Մօտաւորապէս գործելու կարող երեք հարիւր հրացան ունէինք, և բոլորը հաշուելէ յետոյ, տեսանք որ ամէն մէկ հրացանի երեք լեցնելիք կ'իյնար: Ռէզի-Խան ամէն մէկերնուս զատ զատ հրամայեց կրակ չընել մինչեւ որ ինք հրաման չի տար: Բայց ամէն մարդ այնքան գոհ էր որ մէկ քանին նոյն իրիկունն խակ, յաղթութիւնը աօնելու համար, երեք հարուածն ալ պարպեցին: Թողէք որ կարեւորութիւն չունէր չատ. լա՛ւ սուխններ ունէինք:

Խիստ նպաստաւոր բախտով մը, մեր շրջանակին

մէջ հին տեսակ մը աղիչ գտանք, որ հեթանոսներէն մնացած էր, քարէ չորս պատնէշներով ու մէջտեղը տեսակ մը ջրակոյտով: Գացինք մէջը մտանք ու ամբողջ գիշերը հոն անցուցինք: Լաւ ըրինք, որովհետեւ արշալոյսին, Թիւրքմէնները ետ դարձան և որովհետեւ մենէ աւելի շատուր էին, և թէ բաց գաշտի վրայ յարձակէին վրանիս, կրնայինք բաւական զըժուարութիւն քաշել:

Մեր պատնէշներուն ետեւէն կրակ բացինք թըշնամիին վրայ ու քանի մը հատ սպաննեցինք: Կտուղեցան, վար իջան իրենց ձիերէն և մըջիւններու պէս ելան մեր դիզած քարերուն վրայ: Այն ատեն յարձակեցանք վրանին սուրիները անցուցած, ու Ռէզի-կանը գլուխնիս. այն աստիճան նեղը գրինք զանոնք որ, տասը վայրկեանի ջանքերէ յետոյ, տեղի տուին ու փախչելու սկսան: Դժբախտաբար, Ռէզի կան և խոչոր Պախթիարին, որոնք վագրերու պէս կը կուռէին, երկուքն ալ սպաննուեցան: Ես թեւիս զանակի հարուած մը ստացայ, բայց, մե՛ծ է Աստուած, սկրթուք մըն էր սոսկ:

Եւ սակայն տեսէք ի՞նչ անզգամներ են սա Թիւրքմէնները: Փախան, բայց շատ հեռու չի գացին: Գրեթէ անմիջապէս ետ դարձան և սկսան մեր պատերուն շուրջը պտտելի ձիեր հեծած: Անանկ կ'երեւար թէ նշմարած էին որ շատ հարուած պարպած չէինք, ու դիւրաւ հասկցան որ այս անգամուն ալ՝ բնաւ չէինք պարպեր: Պատճառը զճոռական էր, վասոզ չէր մնացած: Այ իսկ հատիկ մը, ոչ իսկ հիւլէ մը: Աստուած կատարելապէս գիտէ ըրածը:

Մեր թշնամիները այն ատեն նոր յարձակում մըն ալ փորձեցին և անոնց մէկ մասը նորէն զինուորի փոխուեցաւ ու սկսաւ մըջիւններու պէս պատնէշէն վեր սողոսկիլ: Վէքիլը գլուխնիս խոյացանք դուրս,

անգամ մըն ալ զանոնք թաւալգլոր բերինք, ու երկուտասնեակ մը սպաննեցինք: Փախան նորէն, հեծեալները գրո՛հ տուին վրանիս և հազիւ ժամանակ ունեցանք ծակերնիս ապաստանելու, ու աւա՛ղ տեսանք հեռուն, վէքիլին գլխուն վազելը Թիւրքմէններուն մէջտեղ նիզակի մը ծայրը անցուած:

Ա՛խ. չի մոռնամ ըսելու որ ամբողջ գիշերը սարսափելիօրէն մանր էինք, չոր թեւ մը մնացած չէր խեղճ մարմիններնուս վրայ, ու անձրեւը տակաւին կը հոսէր: Կտոր մը թաց խոտը մեր ստամոքսին մէջ լաւ չէր պատսպարեր մեզ: Իմ մասիս ես շատ կը տառապէի, և վաթսուս հոգի մը մեռած էին մերոնցմէ, ասանց հասկնալու ինչուն և ինչպէսը: Բարձրեալն ու գթածն Աստուած այդպէս տնօրիններ էր:

Գիշերը նորէն շատ գէշ անցաւ. քով քովի սեղմուելով միայն կրնայինք քիչ շատ յիշել թէ ի՞նչ ըսել է տաքութիւնը: Սակայն ատուտան դէմ երկինքը բացուեցաւ: Պաղ էր: Նոր յարձակումի կը պատէինք: Տեղեկալը մեռած գտնուեցաւ իր տեղը:

Յորեկը միայն Թիւրքմէնները երեւցան, բայց հեռուները կեցան: Իրիկունը համարձակութիւն աւելին, մինչև հրացանի հասողութեամբ յառաջացան ու սկսան պատնէշին շուրջը դառնալ: Յետոյ քաշուեցան գացին:

Գիշերը նորէն քանի մը հոգի մեռան: Վերջին հաշուով չորս հարիւր մնացեր էինք, հրամանատար չունէինք: Բայց գիտէինք ընկելքնիս, և երբ յարձակում գործուէր, նորէն սուրնով պիտի իյնայինք անհաւատներուն վրայ: Սակայն ամէնքս ալ չափազանց տկարացած էինք:

Սարբի ազօթքին ժամն էր գրեթէ և արեւը հորիզոնին վրայ հակելու վրայ էր, երբ հեռուէն տեսանք

Թիւրքմէն հրոսները նախորդ օրերէն աւելի բազմաթիւ: Ամէնքս ալ կրցածնուս չափ շտկուեցանք ու հրացանները ձեռք առինք: Բայց մեր սալչահար աչքերուն առջև ամբողջ այս բազմութիւնը խիստ հեռուն կանգ առաւ, և չորս հինգ ձիաւոր միայն իրենց ընկերներէն բաժնուելով դէպի մեր կողմը յառաջացան, բարեկամական նշաններ ընելով և կրցածնուն չափ լաւ հասկցնելով թէ խօսել կը փափաքէին հետերնիս:

Մենէ շատերուն միտքը մէկէն ի մէկ դուրս ելլել և երթալ ատոնց գլուխը կտրել էր, բայց ի՞նչ օգուտ: Քանի մը ուրիշ ընկերներու հետ դիտել տուի ատիկա իրենց: Կարճ վիճարանութենէ մը յետոյ, ամէնքն ալ իմ կարծիքիս եկան: Հետեւաբար ընդառաջ գացինք այս շան ծնունդներուն, և խոր ողջոյններ աւելով, մեր սլափէջի գօտիին մէջ մտցուցինք զիրենք: Ամէնքս ալ, նորեկներուն շուրջը, զորս ձիու ծածկոցներու վրայ տեղաւորած էինք, բոլորակ մը կազմելով նստանք:

Վալլա՛հ, Պիրլա՛հ, Թալլա՛հ: Մեծ տարրերութիւն կար անոնց ու մեր միջև: Մենք, ցեխի մէջ տապալուտը կամ և թշուառութիւնով հոսուն ուրուականներու կը նմանէինք: Անոնք, մուշտակապատ աղուոր հագուստներ, փայլուն գէնքեր և շքեղ գոլակներ կը կրէին: Երբ տեղաւորուեցանք, խօսք բանալը ինծի յանձնուած ըլլալով, սկսայ այս անիծեալներուն.

— Բարեւ գայ վրանիդ:

— Եւ թող ձեր վրայ ալ գայ բարեւ, պատասխանեցին:

— Յուսանք, յարեցի, թէ Ձերդ Վսեմութեանց անողջութիւնը բոլորովին լաւ է, և թո՛ղ ձեր բոլոր սիրտերը յղբանան յաշխարհումս և անդէն:

— Անսահման են Ձերդ Վսեմութեանց բարու-

թիւնները, յարեց Թիւրքմէններու ամէնէն տարեցը: Տափակ քիթով, սեխի պէս կլոր դէմքով, հոս հոն մօրուքի թեկերով և հակառակ դարձուած մահիկի ձեւով աչքերով խոշոր ծերունի մըն էր ան:

— Ի՞նչ հրամաններ կը բերեն մեզի Ձերդ Վսեմութիւնները, շարունակեցի:

— Ընդհակառակը, մենք ենք որ Ձերդ Բարձրապատուութիւններուն աղերս մը կը ներկայացնենք, ըսաւ ծերունի Թիւրքմէնը: Գիտէք թէ ընտանիքի թշուառ հայրեր ենք մենք, խեղճ երկրագործներ, Արքաներու Արքային գերիներ և Լաւապաշտպան Իւրքաներու Արքային գերիներ և Լաւապաշտպան Իւրքանի ծառաներ: Դարերէ ի վեր մեր կարողութեանը տակ գտնուած բոլոր միջոցներով կը ջանանք Օգոստոսի կառավարութեան ապացուցանել մեր սիրոյն սաստկութիւնը: Դժբախտաբար շատ աղքատ ենք ամէնքս ալ, մեր կիներն ու տղաքը անօթի ենք կը ճուան. մեր մշակած արտերը բաւական չեն զանոնք ապրեցնելու, և եթէ քանի մը առիթներ ալ չունենայինք գերիներու պղտիկ առեւտուրի մը մէջ քիչ մը դրամ չահելու, թշուառութենէ հոգինիս աւանդել միայն պիտի մնար մեզի և մերիներուն: Ինչո՞ւ այսչափ կը հալածեն մեզ:

— Ձեր Վսեմութեան բոլոր խօսածները ամենաստոյգ ճշմարտութիւնը կ'արտայայտեն միայն, պատասխանեցի: Մենք, շատ խոնարհ զինուորներ ենք միայն, և եթէ մեզ հոս զրկած են, չենք գիտեր թէ ինչո՞ւ զրկած են, և հիմա, Ձերդ Վսեմութեանց բախնչո՞ւ զրկած են:

Թիւրքմէնը ամենասիրալիբ ձեւով գլուխը խոնարհեց ու պատասխանեց.

— Տա՛ր երկինք որ կարելի ըլլար ըսածնիդ: Ընկերներս ու ես բոլորովին պատրաստ ենք մեր ձիերը տալու ձեզ և խնդրելու որ ընդունիք մեր բարեկամութեան հաղար ուրիշ նշանները: Բայց դո՛ւք դատեցէք մեր տխուր կացութիւնը: Օգոստոսիառ կառավարութիւնը առանց պատճառի յարձակում գործած է մեր վրայ, որ մէկու բան չէինք ընել: Ասկէ զատ ուտելիքն ալ հազուադիւր է: Բան չունիք ուտելու. շաբաթէ մը ի վեր մենք ալ բան մը կերած չենք. հետերնիս եկէք. լաւ կը նայինք ձեզ: Ոչ Պոլսարա կը ծախենք ձեզ ոչ ալ խիվա: Ձեզ կը պահենք մեր տուները, և եթէ ձեր բարեկամները ձեզ գնել ուզեն, բոլորովին պատրաստ պիտի գտնեն մեզ ամենայարմար փրկանքներով ետ դարձնելու ձեզ: Աւելի լաւ չէ՞ մեր վրաններուն տակ, տաքուկ կրակներուն քովիկը համբերութեամբ սպասել ձեր ազատագրութեան, քան թէ ճամբաներուն վրայ անօթութենէ մեռնելու վտանգը յանձն առնել:

Ծեր Թիւրքմէնը բարի մարդու մը կերպարանքը ունէր. իր ընկերներն ալ սկսան թարմ հացի, մածունի և խորոված ոչխարի վրայ խօսիլ մեզ: Մեծ յուզում մը տիրեց վրանիս: Յանկարծ, ամէն մարդ սկսաւ հրացանը նետել վրայէն, և երբ բանագնացները ոտքի ելան, յօժարակամ հետեւեցանք անոնց:

Երբ ամէնքս մէկ ձիաւորներուն քով հասանք, սքանչելի ընդունելութիւն ըրին մեզի: Գունդին մէջտեղը զրին մեզ, ու, քալելով հանդերձ, կը խօսակցէինք մեր տէրերուն հետ, որոնք շատ լաւ սարդիկ կը թուէին մեզ. ատեն ատեն, իրաւ, մէջերնէս աս կամ ան մտրակի փառաւոր հարուած մը կը ճաշակէր, բայց պէտք եղածին չափ արագ չի քալելուն համար կ'ըլլար ատ: Մէկ խօսքով, ամէն բան

շատ լաւ գնաց: Միայն սա կար որ մեզի պէս յողնած մարդոց համար քիչ մը մարսուելիք բան չէր ութը ժամ շարունակ քալելը նորէն թանձրամած հողի մը վրայէն, մինչև և մեր տեղը բանակեալը հասնելնիս:

Կիներն ու տղաքը դիմացնիս վագեր էին: Է՛ն դժուար վայրկեանը ատիկա եղաւ: Կ'երեւի թէ, անոնց խումբին մէջ դեռ քանի մը օրուան այրիներ կային, որոնց ամուսինները սպաննած էինք, և մայրեր, որոնք դժգոհ էին զաւակներնուն զլխուն մեր բերած փորձանքներէն: Աշխարհի բոլոր երկիրներու մէջ կիները չար կ'ըլլան. բայց ասոնք սարսափելի էին: Եթէ իրենց ձգէին, քիչէն քիչ եղունգներովն ըզրիկ ըզրիկ պիտի ընէին մեզ: Տղաքներն ալ նոյն միտքէն էին, և իբր սկզբնաւորութիւն, հայհուջներու և քարերու տարափներով ընդունեցին մեզ: Բայց էրիկմարդիկը, որոնք բնաւ փափաք չունէին մէկ կամ միւս կողմերնիս կոտորել տալու, կէս մը սաստելով, կէս մը խնդալով, ի պահանջել հարկին քանի մը հատ ալ փայտ իջեցնելով այդ մեզերաներուն, յաջողեցան վերջապէս բանակատեղին մտցնելու մեզ, և եթէ չի կրցան մեր թշնամիները արդիւնել հայհուջութիւններ տեղացնելէ մեր զլխուն, ինչ որ մեզի ու է է մնաս չէր տար, գոնէ արիւննիս քամելէ ազատեցին մեզ:

Երբ ամէնքս ալ հաւաքեցին հրապարակին վրայ, համբեցին մեզ և ազդարարեցին թէ անմիջապէս պիտի սպաննեն, ո՛վ որ մեզմէ փախչելու ու է է փորձ ընէր: Այս յայտարարութենէն յետոյ մեզ բաժնեցին մեզ գերի բռնող ձիաւորներուն, և եղանք անոնց սարուկները: Այս ձեւով մէկը ունեցաւ տասը գերի, ուրիշ մը հինգ, որ մէկը երկու: Դեռ շատ երիտասարդ մէկու մը ինկայ ես և անմիջապէս առաւ զիս տունը տարաւ:

Վրանէն ներս մտածիս պէս հասկցայ որ տէրս

աղքատ մէկը չէր: Այլաթեիւք կոչուած վրաններէն էր
ատիկա, որոնք ողորէ հիւսուած միջնորմներով և պա-
տերով շինուած կ'ըլլան ու թանձր թաղիքներով ծած-
կուած: Տախտակամածը փայտէ էր, վրան կապերտներ
փռուած. գոյնզգոյն նկարուած երեք չորս սնտուկներ,
բարձերով մեծկակ անկողին մը, և վրանին մէջտեղն
ալ մեծկակ կրակարան մը կար, ուրկէ անուշ տաքու-
թիւն մը կը ծորէր: Այս սիրուն բնակարանին մէջ
նորատի կին մըն ալ կար, որ մանկիկ մը կը դիե-
ցնէր: Յարգալիբ բարեւ մը տուի անոր: Անպատճառ
տիկինն ըլլալու էր, բայց աչքերը անգամ վեր չվերցուց
վրաս, նոյն իսկ հազիւ ամուսնին նայեցաւ: Անմիջա-
պէս ըսեմ թէ ի՛նչ կ'արժեն թիւրքմէն կիները: Գրե-
թէ ոչինչ:

Ստանանները անգամ վախցնելու աստիճան տգեղ
կ'ըլլան: Վկա՛յ, այս իմ վրանիս մէջի նորատի կինը,
որ յետոյ իմացայ թէ տեղւոյն է՛ն գեղեցիկներէն կը
համարուի եղեր: Բնա՛ւ միտքէս չպիտի անցնէր շի-
տակը: Թէպրիզի բեռնակիրի մը կը նմանէր: Լայն
ու տափակ ուսեր, խոշոր գլուխ մը, մանր մանր աչ-
քեր, ցցուն այտեր, հացաղործի փուռի չափ լայն բե-
րան մը, տափակ ճակատ մը ունէր, ու կուրծքին վը-
րայ ալ երկու աճագին լեռներ: Անկէ սոսկալիներն ալ
տեսայ: Ապուշ, չար, կոշտ ալ են այս կիները, որոնք
աշխատելէ գուրս ոչինչ գիտեն և շիտակը ջորիի պէս
ալ կ'աշխատցնեն գիրենք. իրաւունք ունին:

— Տղան մէկ կողմ գիր և կերակուր բեր, ըսաւ
տէրը տիկինին:

Անմիջապէս հնազանդեցաւ, ու սկսաւ նախ եւ առաջ
պնակ ու աման տեղէն հանել գնել, ու նշանացի հրա-
մայեց որ վրանէն գուրս ելլամ հետը. անմիջապէս հնա-
զանդեցայ, փութկոտութեամբս վրաս գութը շարժելու
միտքով: Տեսակ մը խրճիթ առաջնորդեց զիս որ խո-

հանոցի տեղ կը ծառայէր, և ուր չեմ գիտեր ինչ մը
կ'եռար պտուղի մը մէջ: Ուրիշ նշան մըն ալ ըրաւ, որ չի
հասկցայ. առանց ունէ ուրիշ բացատրութեան, փայտ
մը առաւ ու փառաւոր հարուած մը իջեցուց գլխուս:

— Շիտակը գիւրին կեանք պիտի անցունեմ հոս
աս հրէջին ձեռքը, անցաւ միտքէս:

Կը սխալէի: Աղէկ կին մըն էր: Շատ անգամ ձեծ
կ'ուտէի, բծախնդիր էր, կ'ուղէր որ ամէն բան իր ուզա-
ծին պէս կատարուէր, բայց լաւ կը կերակրէր զիս, և
երբ քիչ մը վարժուեցաւ հետս, լեզուն բացուեցաւ քիչ
մը, և շատ անգամներ կըրցայ զինքը խաբել առանց իր
հասկնալուն: Երբ քէֆը տեղը ըլլար, քահ քահ խնդա-
լով կ'ըսէր.

— Ճիշտ չէ՞ թէ դուք, իրանցիներդ, մեր ձիերէն
աւելի ապուշ կ'ըլլաք:

— Այո՛, տիրուհի, խոնարհութեամբ կը պատաս-
խանէի, շատ ճիշտ է. Աստուած անանկ ուզեր է:

— Թիւրքմէնները, կը շարունակէր, կը կողոպտեն
ձեզ, կը գողնան, նոյն իսկ գերի կը վարեն, ուզած-
նուն կը ծախեն ու տակաւին միջոց մը չէք գտնար
ատոնց առաջըր առնելու:

— Նորէն ճիշտ կը խօսիք, տիրուհի, կը յարէի,
բայց անոր համար է որ Թիւրքմէնները մտացի մար-
դիկներ են, մինչ մենք էջեր պարզապէս:

Նորէն կ'սկսէր քահ քահ խնդալ, և բնաւ չէր
նշմարեր թէ իր կարագն ու կաթը շարունակ կը պակ-
սէին յօգուտ ստամոքսիս: Միշտ գիտած եմ որ էն ու-
ժեղ մարդիկը միշտ ալ էն նուազ խելացիները կ'ըլլան
միշտ: Օրինակ, տեսէք Եւրոպացիները: Ուզածնուդ
չափ կրնաք խաբել զիրենք, բայց ուր որ երթան միշտ
անանկ կ'երեւակայեն թէ իրենք մենէ գերիվեր են,
որովհետեւ տէրերը իրենք են. չեն գիտեր ու բնաւ ալ
չպիտի գիտնան սա ճշմարտութիւնը գնահատել, թէ

միտքը միշտ նիւթէն շատ վեր է: Թիւրքմէններն ալ ճիշտ ու ճիշտ ասոնց պէս են: Ասոնց պէս անտաշներ:

Տէրերս զիս կը գործածէին փայտ կտրելու, շուր կրելու, ոչխարները արօտատեղի տանելու: Երբ գործ չունենայի, կ'երթայի գիւղը կը պտտէի: Քանի մը բարեկամ գտեր էի, ու երգեր կ'երգէի: Մուկ բռնելու որոգայթներ ալ կը շինէի և մէկ քանի կիներու պարսկական կերակուրներ սորվեցուցի, որոնք էրիկմարդոց սքանչացումը գրգռեցին: Իբր վարձատրութիւն կարագով թէյ ու շոթեր կուտային: Շատ անգամ ալ հարսնիք կ'ըլլար ուր կը պարէի. այս պարերս շատ կը խնդացնէին հարսնեւորները, որոնք արդէն զուարթ տրամադրութիւնով մարդիկներ էին. գիւրին է հասկնալը թէ ինչո՞ւ: Մեր բանակեաղը, բոլորը, քովիններն ալ ու ազգը ամբողջ ցնծութեան մէջ էին յաղթութեան պատճառով: Գերիները կը վխտային ու յոյս ունէին մեծ փրկանք ստանալու անոնցմէ: Յետոյ, բարկութեան առաջին պոթկուսները անցնելէ յետոյ, բոլոր այրի կիները իրենց նոր կացութեանէն հմայուած էին: Արդէն ուրիշ կերպ չէր ալ կրնար ըլլալ, որովհետեւ թիւրքմէն աղջիկ մը շատ շատ հինգ ոսկի թուման կ'արժէ, և ամուսնանալ ուղողին համար մասնաւոր պարագաներ պէտք են երթալ աղջիկ մը զատելու համար: Մինչդեռ այրի կիներ մեծ արժէք ունի և յաճախ շատ բարձր կը գնահատուի, ինչ որ կախում ունի տուն կառավարելու մէջ իր ձեռք բերած փորձառութենէն, իր խնայասէրի համբաւէն և շուրջը ամէն բան լաւ կառավարելու յաջողութենէն: Յետոյ, այրի մը որոշապէս յայտնի է թէ կրնա՞յ թէ ոչ զաւակներ պարգևել իր ամուսնին:

Սիրոյ խնդրին գալով, այս տիկիներուն գէմբի ի տես, շատ լաւ կը հասկնաք թէ այդ մասին խնդիր չի կրնար ըլլալ. ատոր վրայ ոչ ոք կը խորհի, ինչ

կը նշանակեն ալ չի գիտեր: Օր մը երբ փորձեցի տիրուհիս պատմել Մէճնունի այնչափ աղուոր և այնչափ յուզիչ սէրը Լէյլայի հանդէպ, ինչ որ Լէյլաս միտքս ձգեց ու ցաւէս խենթեցուց զիս, տիրուհիս սատարիկ տփոց մը քաշեց ինձի ասանկ ցնդարանութիւններով զինքը ձանձրացնելու համար: Շատ նորատի էր տակաւին, բայց արդէն, արդի էրիկէն առաջ, երկու էրիկ ունեցեր էր, և ամէն բանիս վրայ երեք հատ ալ տղայ: Ասոր համար էր որ ամէնուն յարգանքը կը վայելէր, և ինձի համար շատ զգալի պատիւ մըն էր ասանկ տիկինի մը վերաբերելը:

Շուրջ երեք ամիսէ ի վեր խաղաղօրէն կ'ապրէի հող, և քիչ քիչ կը սկսէի վարժուիլ բախտիս. ճշմարիտը խօսելով, ինչպէս ըսի անգամ մը, դժնէ բախտ մը չէր իմինս, երբ առտու մը, երբ աննպատակ կը թափառէի բանակետղին մէջ, զիմացս ելան երկու ուրիշ պարսիկ գերիներ, կուսի զորագունդին պատկանող երկու զինուոր, որոնք ապահովեցին զիս, զլուսնուն վրայ երդում պատառ ըլլալով թէ, նոյն օրն իսկ պիտի ազատուէինք ու զրկուէինք Մէշէտ:

Այնչափ յաճախակի ասանկ լուրեր կը պտտէին և այնչափ յաճախ ալ սուտ կ'ելլէին, որ խնդալ սկսայ և ընկերներուս խրատ տուի շատ չի հաւատալ լսածնուն ու համբերութեան պաշար հաւաքել նորէն: Եւ սակայն, ամէն անգամուան պէս երբ ասանկ լուրեր կ'առնէի, երբ բաժնուեցան ինձմէ, հոգիս բաւական խռովուած և յուզուած էր: Գիտեմ որ բաւական ազատութեան կ'անցնին Իրանի մէջ ու շատ զէջութիւն կայ հոն, և սակայն Իրանն է ան, աշխարհի է՛ն լաւագոյն, է՛ն սուրբ հողը: Երկրի վրայ ոչ մէկ տեղ այնչափ հաճոյք, այնչափ ուրախութիւն կը զգաս: Երբ հոն ապրած ես, միշտ հոն լստնալ կը տեսնաս, ու երբ հոն ես, հոն սիայն կ'ուզես մեռնիլ: Բնաւ չէի հա-

ւատար ընկերներուս ըսածներուն, և սակայն սիրտս ուժով ուժով կը զարնէր ու տխրեր էի, այնչափ տըլսրեր որ փոխանակ պտոյտս շարունակելու, ետ՝ վրանս զարծայ:

Տէրս դեռ նոր նոր վար իջեր էր ձիէն, ու տեսայ որ կնոջը հետ կը խօսէր: Երբ նշմարեց զիս, քովը կանչեց:

— Աղա, ալ գերիս չես, ըսաւ, փրկանքդ տուին. հիւրս կը սեպուիս, ու շուտով Մէշէտ ձամբայ պիտի ելլես:

Երբ լսեցի այս խօսքերը այնքան տակնուվրայ եղայ որ կարծեցի թէ պիտի խեղդուիմ, և կարծեցի որ վրանը գլխուս կը դառնայ:

— Ի՞նչ կ'ըսես, ճի՞շտ է, գոչեցի:

— Ի՞նչ ապուշներ կ'ըլլան սա Իրանցիները, յարեց կինը, տարօրինակ բան մը կա՞յ ասոր մէջ: Կառավարութիւնդ մարդ գլուխ տասնական թումանով գնած է ձեզ: Աւելի աժան ալ կուտայինք, բայց քանի որ ապուշութիւնը եղեր է անգամ մը, և զրամը ձեռքերնիս հասած է, ի՞նչա տունդ խաղաղութեամբ և ապուշ մի կարբի:

Հաղիւ կ'իմանայի այդ արարածին ըսածները: Աչքերուս առջեւէն տեսիլքի մը պէս բան մը անցաւ: Տեսայ, այո՛, աչքերուս առջեւ տեսայ ծննդավայրս, Խամսայի սիրունիկ հովիտը. որոշապէս զանազանեցի անոր առուն, ուռիները, թանձր խտը, ծաղիկները, տակը զրամս թաղած ծառս, իմ աղուոր, պաշտելի Լէյլաս թեւերուս մէջ, որսորդութիւններս, վիթերս, վագրերս, իմ սիրելի Քէրիմս, պատուական Սիւլէյմանս, իմ քաջ Ապուսլանս, բոլոր հօրեղբորորդիներս, Թէհրանի շուկան, նպարավաճառին ու քաղաքի խանութները, ծանօթներուս ղէմքերը, այո՛, այո՛, այո՛, ամբողջ կեանքս այդ մէկ վայրկեանին մէջ

երեցաւ ինձի, և ներսս ձայն մը «պիտի վերսկսիս այդ կեանքդ» կը գոչէր: Երջանկութենէ գինովցեր էի: Երգել, պարել, լալ, միտքէս բոլոր անցնողները ողջագուրել կ'ուզէի գերագոյն երջանկութեան այս պահուն, և սկսայ անձկութեան աղաղակներ արձակել:

— Յաւազա՛ր, ըսաւ կինը, երէկ իրիկունս օղի խմեր ես, հաւանաբար այս առտու ալ. պիտի տեսնես մէյ մըն ալ եթէ խմես...

Ամուսինը խնդալ սկսաւ:

— Ա՛լ բան չես կրնար, քանի որ այսօր իսկ կը մեկնի, և այս վայրկեանէն, Աղա, նորէն կ'ըսեմ, ազատ ես ալ:

Աղա՛տ էի: Դուրս խոյացայ վրանէն, վաղեցի չիտակ բանակետդին մէջտեղի ընդարձակ մէյսանը: Կե՛ղծ ընկերներս բոլոր տուններէն դուրս կ'ելլէին, ինձի չափ խանդավառուած: Իրար կը համբուրէինք, և նոյն ատեն Աստուծոյ և Իմամներուն երախտագիտութիւննիս կը յայտնէինք: Բոլորով սրաիւ Իրան, Իրան, սիրելի՛ Իրան, կը գոչէինք, մեր աչքին լո՛յսը: Այն ատեն էր որ քիչ քիչ սկսայ հասկնալ թէ ի՞նչպէս խաւարէն դուրս կ'ելլէինք ու այսչափ աղուոր պայծառութեան մէջ կը մտնէինք:

Կ'երեւայ թէ մեր բանակին քայքայուելէն ու մեր գերութեան սկզբնաւորութենէն ի վեր չա՛տ բաներ անցեր էին: Արքայից Արքան երբ եղածը լսեր էր, սաստիկ բարկութեամբ մը պոռթկացեր էր իր հրամանատարներուն դէմ և բացէ ի բաց զանոնք ամբաստաններ էր թէ խեղճ զինուորները միս միսակ թշնամիին դէմ զրկած են առանց հետերնին մեկնելու. ամբաստաններ էր նաև թէ ծախած են անոնց յատկացուած ուտելիքները, վառօդը, զէնքերը, հագուստները, և ի վերջոյ, յայտարարու էր թէ բոլոր յա՛ն-

ցաւորներուն հաստատագէս որոշած է գլուխնին առնելու :

Թեքեւս, եթէ գործադրէր ըրած սպառնալիքը, Արքայից Արքան լաւ բան մը ըրած պիտի ըլլար: Բայց ե՞տքը, օգուտը ի՞նչ պիտի ըլլար: Երբ այս հրամանատարները երթային, չէ՞ որ տեղը ճիշտ ասոնց նմանները պիտի գային: աշխարհի ընթացքը այսպէս է: Փոխելիք բան չկայ: Այնպէս որ Նորին Վեհափառութիւնը շատ աւելի խելացի վարուեցաւ, երբ բարկութիւնը մեղմեց ու հանդարտեցաւ: Բոլորը ան եղաւ որ նախարարներն ու կայսրութեան Սիւնները բաղձաթիւ ընծաներ ընդունեցին ամբաստանեալներէն, որոնցմէ մէկ քանին քանի մը ամսուան համար պաշտօնանկ ըրին: Արքան շքեղ նուէրներ առաւ, և որոշուեցաւ որ պետերը բոլոր Թիւրքմէններուն ձեռքը ինկած գերիները, իրենց ծախքով գնեն, քանի որ իրենք էին այդ խեղճ մարդոց գլխուն եկած դժբախտութեանց պատճառը:

Անգամ մը խնդիրը այսպէս կարգադրուելէն յետոյ, հրամանատարները բնականաբար զօրապետներն ու համարակալները պատճառ բռներ էին, — որոնք իրենցմէ տարբեր բան ըրած չէին բնաւ, ու ճիշտ այն ըրեր էին ինչ որ իրենք ալ ըրեր էին —, ու սպառնացիք էին Ֆալախայի քաշելու, պաշտօնանկ ընելու ու գլուխնին կտրելու: Այնչափ ըրեր էին որ այդ կողմէն ալ գործը կարգադրուեր էր: Զօրապետներն ու համարակալները ընծաներ տուին իրենց գերագաններուն, որոնք այս ձեռով կրցան մասամբ գոցել Թեհրանի մէջ իրենց ապահովութեան խաբերը համար ըրած ծախքերնուն մէկ մասը:

Եւ սակայն գերիներուն փրկանքի մասին բանակցելու համար բանադնացիներ զրկեր էին Թիւրքմէն ցեղերուն: Քիչ մը գժուարութիւն եղեր էր բնական է համաձայնելու համար, բայց վերջ ի վերջոյ համա-

ձայներ էին. ու անաւասիկ թէ ի՞նչ կերպով և ինչո՞ւ անհաւատալի յուզման նուագէ մը, երջանկութեան տեսակ մը հոգեզմայլանքէ անցնելէ, թիւրքմէն մեր նախկին պետերէն ու հին բարեկամներէն հրաժեշտ առնելէ յետոյ ճամբայ ելանք զէպի Մէշէտ, հաւատացէք, թռչուններուն թռելուն պէս քալելով:

Հոյակապ եղանակ մըն էր. դիչերը, աստղերը աղամանդներու պէս կը պսպղային երկինքին երեսը: Յերեկին, շողշողուն արեւ մը ոսկի զանակներով կը ծակծկէր երկինքն ու գետինը, որոնք հեղեղանման կը թափէին իր բոցաւառ գունտն ի վար: Տիեզերքն համայն կը խնդար մեր, խեղճ թշուառ զինուորներու երեսին, այո՛, ամէնէն թշուառ, ամէնէն աւելի լըքուած զինուորներու, արարածներու ամէնէն չարչըրկուածներու երեսին, որոնք չափազանց թշուառութեան մը դուրս կ'ելլէին գոնէ յոյսի աշխարհ մը մըտնելու համար. առոյգ զուարթութեամբ կը քայլէինք, և կոկորդալիւր կը խնդայինք. այս ձեռով ալ հասանք մինչեւ Մէշէտի երկու ժամ մնացած: Կապոյտ երկինքին վրայ, յստակօրէն կը տեսնէինք սուրբ մզկիթին գմբէթներուն և մինարէններուն, և կիսուածանկար որմերուն զէմերնիս գալը, ինչպէս նաև քաղաքի տուններուն անհամար շարքերը, ու երբ կը մտածէինք թէ այս երկնային տեսիլքին ծոցը ի՞նչ աղուոր բաներ պիտի գտնէինք շուտով մեզի համար, յանկարծ մենք զմեզ արգիլուած տեսանք երկու զօրագունդերէ, որոնք ճամբուն լայնքին շարուեր էին, և որոնց առջև սպաներ կը գտնուէին: Կանգ առինք և խոր ողջոյն տուինք:

Սպաներու խումբէն մօլլա մը բաժնուեցաւ ու զէպի մեզ յառաջանալ սկսաւ: Երբ ձայնի հասողութեամբ մօտեցաւ, երկու ձեռքերը վեր բարձրացուց ու հետեւեալ ձառը արտասանեց մեզի.

— Տղաքս, փա՛ռք աշխարհներու Տիրոջ, հօրն ու ողորմածն Աստուծոյ, որ Եունէս մարգարէն կէտ ձկան փորէն ու ձեզ վայրագ Թիւրքմէններուն ձեռքէն ազատեց:

— Ամին, աղաղակեց ամբողջ մեր խումբը:

— Ասոր համար պէտք է շնորհակալ ըլլանք իրեն, շնորհակալ ըլլանք խոնարհաբար, կը կրկնեմ, այո՛, խոնարհաբար մտնելով Մէշէտի մէջ, ինչպէս կը վայել թշուառ գերիներու:

— Պատրա՛ստ ենք, պատրա՛ստ ենք:

— Հետեւաբար, տղաքս, բարեպաշտ մարդոց և հաւատարիմ միւսիւլմաններու պէս, ձեռքերնուդ շղթայ անցուցէք, և ամբողջ ժողովուրդը, ձեր դժբախտութեանց այս ապացոյցէն խանդաղատած, իր օրհնութիւններովն ու ողորմութիւններովը պիտի լինեն ձեզ:

Այս խրատը սքանչելի թուեցաւ մեզ ու հմայուած մնացինք: Այն ատեն այդ երկու գունդերու շարքերէն զինուորներ բաժնուեցան ու մեզի մօտեցան: Վիզերնուս երկաթէ անուր ու ձեռքերնուս ձեռնակապ անցուցին, և ութ տասը հոգինոց շղթայակիրներու խումբեր կազմեցին: Շատ կը խնդայինք ձեռքերնուս և մենք զմեզ շատ լաւ կ'զգայինք այս վիճակին մէջ, թէ և շղթային ծանրութիւնը քիչ մը չափազանցօրէն կը ճնշէր վրանիս. բայց ամէնը ամէնը քանի մը ժամ մինակ պիտի կրէինք ատոնք. ատ ալ ոչինչ բան էր:

Երբ զարդարանքնիս լմնցաւ, առջեւէն թմրկահարները, երաժիշտները, սպաներն ու զօրագունդ մը ճամբայ ելան. ետեւէն կուգայինք մենք մեր ողբագին կարգուսարքով, բայց խիստ գոհ, իսկ էն ետեւէն կուգար միւս զօրագունդը: Շուտով տեսանք Մէշէտցիներու խումբը որ գիմացնիս կուգար: Ողջունեցինք զայն և հաճոյքով լսեցինք մեզ օրհնութիւննե-

րով ծածկելնին: Սակայն թմրուկը կը գոռար, երաժշտութիւնը կը նուագէր և ի պատիւ մեզ, քանի մը հատ ալ թնդանօթի հարուածներ արձակուեցան:

Երբ քաղաք մտանք, մեզ իրարմէ բաժնեցին. ու մանք այս փողոցը, ու մանք ուրիշ փողոցներ մտանք, միշտ զինուորներով չըջապատուած: Զիս, նոյն կարգին վրայ շղթայուած ու թեւերնիս ձեռնակապ, վիզերնիս անուր անցած եօթ ընկերներուս հետ պահակատուն մը տարին ուր թոյլ տուին հարթատանիքին վրայ նստելու: Հոն, մեր խումբը առաջնորդող տասնապետ մը մեզ խրատեց անցորդներու զթուլթիւնը հայցելու: Պատուական գաղափար էր աս. վայրկեանին գործադրեցինք հրաշայի յաջողութիւնով: Բրինձ, միս, նոյն իսկ անուշեղէն բերող բերողի, էրիկ մարդ, կին, կամ տղայ. բայց դրամ քիչ կուտային: Կը հաւատամ թէ մեզ օգնութեան հասնող այդ բարի մարդիկը իրենք ալ հազիւ հազ այդչափ մինակ ունէին:

Իրիկուն մը սպայ մը եկաւ: Խնդրեցինք որ կապերնիս քակել տայ և ալ թողու որ ամէն մէկս մեր գործերովը պարապինք: Իմ միտքս նախ և առաջ երթալ պատուական քուն մը քաշել էր, որու շատ պէտք ունէի, բարեկամիս ու ազգականիս Մօլլա Սիւլէյմանի տունը: Սպան ըսաւ.

— Տղաքս, խելքերնիդ գլուխնիդ բերէք: Դուք ամէնքդ, հօրեղբօրս, զօրավար Ալի-Խանի անբաղդատելի և զերմարդկային ստատածեռնութեան շնորհիւ ազատեցաք: Չեզմէ ամէն մէկուն համար տասնական թուման վճարած է ձեր տէրերուն: Արդա՞ր է որ կորսընցնէ այսչափ խոշոր գումար մը: Չէ՛, անանկ չէ՞, դուք ալ համամիտ էք ասոր: Իսկ եթէ թողու որ ելլաք երթաք, իրաւ, թէ և ամէնքդ ալ շատ պարկեշտ ու ձեր պարտքը ուրանալու անկարող մարդիկներ էք, բայց դժբախտութիւնը հոն է որ ու է միջոց չունիք:

Խեղճ զվնուորներ ուրկէ՞ դրամ կրնան գտնել: Այս գիտնալուն է որ հօրեղբայրս, բարութիւնը ինքն իսկ, միջոցը գտած է այդ դրամը ձեզ հայթայթելու: Այս շղթան ձեր վիզը պիտի ձգէ մինչեւ որ ամէն մէկերնիդ, միւսիւմաններու սիրտը յուզելով և մուրացկանութիւն ընելով տասնեկինգական թուման հաւաքէք ու հաւատարմաբար բերէք իրեն յանձնէք: Մի՛ ցաւիք: Ձեր դժբախտութիւնները պատմեցէք, ձեզի մօտեցողներուն ձեռքերնիդ բացէք: Սա անցնող պատուական մարդիկը, ամէնքն ալ բարձրադաս կանչեցէք: Պիտի գան, կը տեսնէք թէ որչափ լաւ կը կերակրեն ձեզ. քիչ քիչ գութը աւելի պիտի ծակէ սիրտերնին, և քսակներնին պիտի բացուին: Ձեզի չեմ խաբեր: Քանի մը օրէն երբ հոս ալ յոյսի տեղ չմտայ, ուրիշ տեղ կը դրկենք ձեզ: Թէհրան ալ կ'երթաք. հոնկէ Սպահան, Երբազ, Քըրմանշահ, Լաւաղաչտական Իրանի ամէն կողմերը, և վերջ ի վերջոյ կրնաք վճարել ձեր ամբողջ պարտքը:

Սպան լոկո բայց բարկութիւնը պոռթկաց մեր սրտին մէջ, յուսահատութիւնը պատեց մեզ սկսանք շան ծնունդ պոռալ երեսին և հօրը, կիներուն, մօրը, աղջիկներուն (չենք գիտեր, թերեւս չունէր) ալ նոյն տխուրը գոռալու վրայ էինք, երբ, մեր դահիճին մէկ նշանին ուրայ, պահապանները յարձակեցան վրանիս, ծեծեցին, վրայ, պահապանները յարձակեցան վրանիս, ծեծեցին, ջախջախուեցաւ գրեթէ, և գլուխս երկու խոշոր ուներով խոշորցաւ: Խեղքերնիս գլուխնիս եկաւ: Ամէնքս ալ տեղի տուինք, և իմ մասիս, ամբողջ կէս ժամ մը անկիւն մը լալէ յետոյ, համակերպեցայ և ողորմուկ ձայներով սկսայ նորէն անցորդներու գութը շարժել:

Բարեսիրտ մարդիկ պակաս չէին, և ամէն մարդ գիտէ, օրհնեալ ըլլայ Ամենակարողին անունը, թէ՛ ինչամին մէջ թշուառներուն օգնելու մեծ յօժարու-

թիւն կայ: Կիները մանաւանդ մեծ բազմութեամբ շուրջներնիս կը հաւաքուէին, ու մեզի նայելով կուլային ու մեր դժբախտութիւններուն պատմութիւնը կրկնել կուտային: Մե՛ծ էին այդ դժբախտութիւնները զորս կը հասկնաք հարկաւ, բնաւ պղտիկցնելու չէինք աշխատեր, ընդհակառակն, երբեք չէինք մոռնար աւելցնելու թէ մեր կիները ու մեր հինգ, վեց, եօթը կամ ութը պղտիկ գաւակները տունը մեզի կը սպասէին անօթի մտնելու աստիճանին հասած: Այս կերպով շատ մը մանր դրամ ու երբեմն ալ արծաթ դրամներ կը հաւաքէինք: Մենէ մէկ քանիներ աւելի բախտաւոր էին:

Գիտէք թէ մեր մէջ զինուորները աղքատ մարդոցմէ կ'առնուին, որոնք բարեկամ կամ պաշտպան չունենալնուն, զինուորութենէ չեն կրնար ազատիլ: Երբ զինուորի պէտք ըլլայ, փողոցներէն, քաղաքներու սրճարաններէն, գիւղերու տուններէն կը հաւաքեն ո՛վ մաքէր չունի: Ասոր համար էր որ միեւնոյն շղթային շապուածներուս մէջ, տարիքը առած մարդիկ ալ կային, տասնեկինգ տարու աղաք ալ և եօթանասուն տարու ծերեր ալ, որովհետեւ, ինչպէս ըսի, երբ անգամ մը զինուոր եղար, ա՛լ մինչեւ կեանքիդ վերջը կը մնաս հոն. ուրիշ բան, եթէ միջոցը գտնես փերկանք վճարելու կամ փախչելու:

Ամէնէն շատ է՛ն երիտասարդները ողորմութիւն կը ստանային: Մանաւանդ Զնճանցի տասնեւվեց տարու սիրուն տղայ մը կար մէջերնիս, որ տասնեկինգ օրուան մէջ կրցաւ ինքզինքը փրկել, այնչափ ամէն կողմէ ողորմութիւն կը տեղար վրան: Ըշմարիտ է որ հրեշտակի կը նմանէր: Ես կրցայ տխուր կացութեանս մասին լուր դրկել Մօլլա Սիւլէյմանին: Պատուական մարդը վազեց եկաւ, վիզս նետուեցաւ և յանուն մեր սիրելի Լէյլային թուման մը դրաւ ձեռքս: Մեծ բան

էր ասիկա. խիստ չնորհակալ եղայ իրեն. թերեւս աւելին ալ պիտի ստանայի, բայց հետեւեալ օրը Մէշտէն հանեցին մեզ ու թէհրան զրկեցին:

Ընկերներս ու ես մեր դժբախտութիւններուն վրայ երգ մը յօրինեք էինք զոր ճամբան գիւղացիներուն կ'երգէինք: Միշտ բան մը կը ստանայինք ասով: Միւսիւմաններու ողորմութիւնը խեղճ գերիները աւելի լաւ կը սնուցանէր հիմա որքան չէր հասած ատենին Արքան իր զինուորներուն: Մեր պահապաններն ալ մեզի չափ օգուտ կը քաղէին: Միայն, պէտք էր լաւ հակողութիւն ընել մեր պզտիկ հասոյթներուն, որովհետեւ ըլլայ մենք, ըլլայ մեր զինուորները, բնականօրէն ուրիշին ունեցածին աչք կը տնկէինք շարունակ: Ես, կապոյտ բամպակէ լաթի կտորի մը մէջ փաթթած կը պահէի զրամս, մէկուն չէի ցուցներ և չուանով մը հազուատներուս տակ կապած էի: Երբ մայրաքաղաք մտանք,—այսօր ա՛լ կրնամ խոստովանիլ—հօրեղբորորդւոյս տուած ոսկի թումանէն ինչ քանի մը արծաթ շահապղտան և շատ մը պղինձ շահիներ ալ ունէի, մօտ երկուքուկէս թուման: Վստահ եմ որ ընկերներէս մէկ քանին աւելի հարուստ էին ինձմէ, իսկ ուրիշներ ալ աւելի աղքատ: Ծերուկ թնդանօթածիզ մը կար, Իպրահիմ, այնքան տղեղ էր որ բան չէր ստանար:

Երբ թէհրան մտանք, մեզ ամէնքս ճիշտ առջի պահակատունը տարին, ուր հարթատանիքին վրայ ցուցադրեցին մեզ: Թաղիս մարդիկը վազող վազողի եղան երբ զիս ճանչցան. զլխուս եկած դժբախտութիւններուն պատմութիւնը ըրի և մեծաքանակ զրամ տալու վրայ էին երբ ճշմարտապէս հրաշք մը տեղի ունեցաւ: Գովեալ ըլլայ Աստուած: Թո՛ղ օրհնեալ ըլլան Սուրբ Իմամները և անոնց նուիրական անունները թո՛ղ փառաբանութիւն յաւիտեան: Ամի՛ն, ամի՛ն:

Փա՛ռք Աստուծոյ, աշխարհներու Տիրոջ: Փա՛ռք Աստուծոյ:

Հրա՛շք մը պատահեցաւ, կ'ըսեմ, անաւասիկ: Ամէն ատենուան պէս շատ մը կիներ հաւաքուած էին շուրջերնիս: Վրայ վրայի սեղմուեր էին և կրցածնուն չափ մօտիկնիս կուգային աւելի աղէկ դիտելու համար մեզ, այնպէս որ ես, երբ հասարակութեան մեր անբախտութիւնները կը պատմէի, զիմացս շարուած կը տեսնէի կապոյտ ձերմակ շարշաֆներէ կազմուած տեսակ մը պատ: Սա նախադասութեան հասեր էի, զոր միշտ տեսակ մը օծութեամբ ու յուսահատութեամբ կ'արտասանէի:

— Ո՛վ միւսիւմաններ, միւսիւմաններ, ա՛լ իսլամ չէ մնացած, կրօնքնիս կորսուեր է: Խամսացի եմ: Աւա՛ղ, աւա՛ղ: Զընճանի շրջակաները ծնած եմ: Խեղճ, կո՛յր հայր մը ունիմ, հօրս երկու քոյրերը խեղանդամ են, կիսս անդամալո՛յժ է և ութը զաւակներս ալ անօթի՛ հոգի՛ կուտան: Աւա՛ղ, միւսիւմաններ, եթէ ձեր ողորմութիւնը չուտով չազատէ զիս, ասանք բոլորը՝ անօթութենէ պիտի մեռնի՛ն, ու ես՝ յուսահատութենէ՛:

Ճիշտ այդ վայրկեանին, ականջ պատռող սուր ճիչ մը լսեցի քովէս, և ձայն մը, զոր անմիջապէս ճանչցայ, և որ կրակէ նետի պէս սիրտէս թափ անցաւ, գոչեց:

— Աստուծով, Աստուծմէ, Աստուծոյ համար (Վալ-լա՛հ, Պիլլա՛հ, Թալլա՛հ), Աղա՛ն է:

Վայրկեան մը չի վարանեցայ:

— Լէյլա՛... գոչեցի:

Ի զո՛ւր հաստ չարեամքով ծածկուած էր, երեսը կը չողա՛ր աչքերուս զիմաց: Ուրախութենէս եօթներորդ երկինքին է՛ն բարձր տեղը թոեր էի:

— Հանդարտ կեցի՛ր, ըսաւ, այսօր իսկ, կամ շատ շատ, վաղը ազատուիս պիտի:

Յետոյ անդին դարձաւ և աներեւոյթ եղաւ քովի երկու կիներուն հետ, և իրիկունը, երբ անհամբերութենէս կը ճաթէի, վէքիլին հետ մէկտեղ սպայ մը եկաւ քովս, շղթաս քակել տուաւ և ըսաւ,

— Գնա՛ ուր որ կ'ուզես, ազա՛ն ես:

Դեռ այս բառերը չէր արտասանած, երբ ինքզինքս երկու բազուկներու մէջ սեղմուած գտայ, այո՛, որո՞ւն բազուկներուն: Հօրեղբօրորդի՛ս, Ապտուլլահի՛:

Ատուուա՛ճ իմ, ի՛նչ ուրախութիւն զգացի երբ զինքը տեսայ:

— Ա՛խ, բարեկա՛մս, եղբա՛յրս, ամենասիրելի՛ս, գոչեց, ի՛նչ երջանկութիւն: Աս ի՛նչ միացում: Երբ Քէրիմէն լսեցի զինուոր բռնուիլդ, չես գիտեր ի՛նչ ծայրայեղ վիշտի անձնատուր եղայ:

— Բարի՛ Քէրիմ, գոչեցի: Իրար միշտ խանդազին կը սիրէինք արդէն: Թէեւ երբեմն, կը խոստովանիմ, Սիւլէյմանը նախընտրած եմ իրմէն, և քանի որ խօսքը եղաւ, գիտե՞ս որ Սիւլէյման...:

Ու սկսայ պատմել Սիւլէյմանին ի՛նչ եղած ըլլալը, թէ ինչպէս ամենագիտնական մօլլա մը և մեծ մարդ մը գառնալու վրայ էր Մէչէտի մէջ: Այս պատմութիւնը Ապտուլլահի շատ հեյծը բերաւ:

— Յաւալի է որ մեր ազգական Քէրիմը այդչափ լաւ վիճակի չի հասաւ: Յանցանքը քիչ մը իրն է թէն: Գիտես որ «պաղ թէյը» չափազանց սիրելու ազետալի բնութիւնը ունէր:

Այս, «պաղ թէյ» բացատրութիւնը, ինչպէս ամէնքդ ալ գիտէք, իրար յարգող անձինք կը գործածեն օդի կոչուած զարհուրելի հեղուկը հասկցնելու համար: Յաւագին ու միանգամայն կշտամբող զէմքով մը գլուխս երեբցուցի:

— Քէրիմին, այո՛, պատասխանեցի, Քէրիմին պաղ թէյ խմելը պէտք եղածէն աւելի ծանօթ է ինձի. երկար ատեն արտակարգ ճիգեր թափեցի այդ անարդ մոլու-թիւնը ձգել տալու համար, բայց չի յաջողեցայ բնաւ:

— Սակայն իր գիրքը կրնար շատ աւելի վատթար ըլլալ, շարունակեց Ապտուլլահ: Իբր շորեպան կը գործածեմ զինքը, և ապրանքներուս կ'առաջնորդէ Թէպրի-զէն Տրապիզոնի ճամբուն վրայ: Կա՛ւ կը վաստկի:

— Ի՛նչ կ'իմանամ, գոչեցի, վաճառակա՞ն եղար:

— Այո՛, եղբայրս, պատասխանեց համետտ զէմքով մը Ապտուլլահ: Քիչ շատ վաստկեցայ, և ատո՛՛վ կրցայ այսօր քեզի օգնութեան հասնիլ, երբ կինս քու գտնուած դժբախտ կացութիւնդ իմաց տուաւ ինձի:

— Կի՛նդ...:

Զարմանքի ծայր աստիճանին հասեր էի:

— Հարկաւ. Քէրիմ պէտք եղածին պէս չի կըրնալով այդ պաշտելի կնոջ ծախքերը հոգալ, յօժարեցաւ բաժնուելու անկէ ու ես առի զինքը:

Շատ գո՞հ չի մնացի, բայց ի՛նչ կրնայի ընել, ճակատագրիս համակերպելէ դուրս: Մարդ չի խուսափիր անկէ: Կեանքիս մէջ, շա՛տ առիթներով ճանչցեր էի այս ճշմարտութիւնը: Անգամ մըն ալ կը հարուածէր զիս, և այս անգամ, կը խոստովանիմ, զգալի սաստկութեամբ մը: Բառ չի հանեցի բերնէս, բայց հետեւեցայ Ապտուլլահի: Երբ Նօր-Դուռին առջև հասանք, զիս մտցուց խիստ սիրուն տունէ մը ներս և ուղղակի կնիսեռն տարաւ:

Հոն տեսայ կէյլան գորգին վրայ նստած: Շատ լաւ ընդունելութիւն ըրաւ ինձի: Ի մեծ դժբախտութիւն սիրտիս, զինքը ամէն ատենէ աւելի սիրունցած գտայ, աւելի գրաւիչ: Արցունքներս սիրտս կ'ուռնցընէին: Նշմարեց, և երբ թէյ խմելէ յետոյ Ապտուլլահ իր գործերովը զբաղելու համար մեզ մինակ ձգեց, կէյլա ըսաւ ինձի.

— Խեղճ Աղա, քիչ մը դժբախտ կը տեսնեմ քեզ:
 — Շատ դժբախտ, յարեցի ու կախեցի դուռսս:
 — Խելքդ դուռսդ ժողուէ, շարունակեց, և բան չպիտի պահեմ քենէ: Կը խոստովանիմ որ քեզ շատ սիրեցի և այսօր ալ կը սիրեմ, բայց Սիւլէյմանի լաւ յատկութիւններն ալ անզգայ չեն ձգած զիս: Քէրիմի զուարթութիւնն ու ոգեւորութիւնը յափշտակած են զիս, և յարգանքով ու խանդաղատութիւնով լեցուն եմ Ապտուլլահի արժանիքներուն հանդէպ: Եթէ ինձմէ խնդրէին որ յայտարարեմ թէ չորս հօրեղբորորդիներէս ո՞րը կը նախընտրեմ ամէնէն աւելի, պիտի խընդրէի որ անոնց չորսէն միակ մարդ մը չինեն, և վըստահ եմ որ ծայրայեղօրէն ու յաւիտեան պիտի սիրէի այդ մէկը: Բայց կարելի՞ է ատիկա, կը հարցնեմ քեզի: Մի լար: Համոզուէ որ սիրտիս մէջ միշտ կ'ապրիս դուն: Ձէի կրնար Սիւլէյմանը առնել, քանի որ բան մը չունէր: Քեզի գիմեցի: Քիչ մը թեթեւ վարմունք ունեցար, բայց կը ներեմ: Գիտեմ որ սերտօրէն կապուած ես ինձի: Քէրիմ թշուառութեան մեծ ճամբուն վըայ նստեցնելու վըայ էր զիս: Ապտուլլահ հարուստ ըրաւ զիս: Պէտք է որ իմ կարգիս ես ալ խելօք ըլլամ: մինչեւ մահս հաւատարիմ պիտի մնամ իրեն... Կարծեմ պէտք եղածը ամբողջ ըսի քեզի: Ապտուլլահ հօրեղբորորդիդ է. սիրէ զինքը, ծառայէ անոր, և ինչ որ կարելի է, պիտի ընէ քեզի: Միտքէդ չես անցուներ հարկաւ թէ արգելք կ'ըլլամ, չէ՞:

Տակաւին շատ սիրալիբ խօսքեր ըրաւ ինձի, որոնք առաջին վայրկեանին, արտմութիւնս կրկնապատկեցին: Սակայն ճար չկար, պէտք եղածէն աւելի կը հասկնայի ատիկա, համակերպելու էի հօրեղբորորդի միայն ըլլալ, Լէյլայի հանդէպ:

Ապտուլլահ, իբր վաճառական, յաճախ մեծ անձնաւորութիւններու հետ գործ կ'ունենար. օգտակար

կ'ըլլար անոնց և քովերնին վարկ ունէր: Իր շնորհիւ Խասէհի զօրագունդին մէջ սուլթան կարգեցին զիս. այս սուլթանը միշտ Թեհրան կը մնայ, պալատը, պահակութիւն կ'ընէ, ջուր կը կրէ, փայտ կը կտորէ և որմնադրութիւն կ'ընէ: Ալ ես ալ եղայ սպայ մը, և սկսայ իմ կարգիս զինուորները ուտելու, ինչպէս զիս կերեր էին, ինչ որ շատ պատուաւոր դիրքի տէր զարձաց զիս, բան մը ուրկէ չեմ դժգոհիր բնաւ:

Արքային պահակներն ենք մենք. շատ անգամ խնդիր եղած է չքեզ համազգեստ տալու մեզի և շարունակ ա՛ր զիբ կ'ըլլայ, ու կը կարծեմ թէ մինչեւ աշխատախճանը պիտի խօսին այդ մասին: Երբեմն առաջադրեն Ռուսերու Կայսեր կեանքին պահպանութեանը հակող մարդոց նման հագուեցնել մեզ, որոնք, ինչպէս կ'երեւայ, կանանչ գոյնով կ'ըլլան, ոսկի երիզներով ու ասեղնագործութիւններով: Ուրիշ անգամներ կարմիր գոյնով հագուեցնել կ'ուզեն, միշտ ոսկի երիզներով, ասեղնագործութիւններով և ծոպերով: Բայց երբ այս կերպ հագուի, զինուորը ալ ինչպէս կրնայ բանի մը ծառայել: Յետոյ ո՞վ պիտի վճարէ այս աղուոր հագուստներուն զրամները: Սպասելով այդ երջանիկ օրուն, մեր մարդիկը կը շարունակեն պատուած վարտիք հագնիլ, շատ անգամ առանց գըլխարկի:

Անգամ մը որ սպայ եղայ, ալ փափաքեցայ նմաններուս հետ ապրիլ և շատ մը ծանօթութիւններ հաստատեցի: Անոնց մէջ տարօրինակ սիրով կապուեցայ սուլթանի մը, որ պատուական բնութիւնով տղայ մըն էր: Երկար ատեն ապրած է Ֆրէնկներուն մէջ, ուր զրկուած էր ուսումը կատարելագործելու: Շատ հետաքրքրական բաներ պատմեց ինձի: Իրիկուն մը երբ քիչ մը սովորականէն աւելի փախցուցեր էինք պաղ թէյը, ինձի կարծիքներ մը յայտնեց զորս բացարձակապէս խելքի մօտ գտայ:

— Ուշադրութիւն կ'ընեն, եղբայր, ըսաւ ինծի, թէ բոլոր Իրանցիները անբաններ ու բոլոր Եւրոպացիները ապուշներ են: Անոնց մէջ մեծցած եմ ես: Նախ քօլէժ մը դրին զիս, յետոյ, երբ այս անիծեալներուն քննութիւնները անցունելու չափ բան սորվեցայ, մտայ անոնց զինուորական վարժարանը զոր Սէն-Սիր կ'անուանեն: Երկու տարի կեցայ հոն, ինչպէս իրենք ալ կը կենան, յետոյ երբ սպայ ելայ, հոս դարձայ: Ուղեցին որ օգտակար ըլլամ և հարցուցին թէ ի՞նչ պէտք կար ընելու է՞ն առաջ: Յուշուցի: Ծաղրեցին զիս, յետոյ ատեցին. անհաւատ ու լիբր կոչեցին զիս, և Ֆալախայի քաչեցին: Առաջները, մեռնիլ ուղեցի, որովհետեւ Եւրոպացիները ասանկ բաները անպատուութիւն կը համարեն:

— Միամիտները, գօչեցի գաւաթս պարպելով:

— Այո՛, միամիտները, չեն հասկնար որ մեր մէջ ամէն բան, սովորութիւնները, բարքերը, շահերը, կլիման, օդը, հողը, մեր անցեալը, ներկան արմատապէս անկարելի կը դարձնեն ինչ որ իրենց մէջ ամենապարզ բան է: Երբ տեսայ թէ մեռնիլս բանի մը չպիտի ծառայէր, նորէն հին մտայնութեանս դարձայ: Կարծիքներս, բարենորոգչական փափաքներս, պարտաւելու և գիմախօսելու սովորութիւններս ծալլեցի մէկ կողմ դրի, և եղայ ձեր ամէնքին սէս մէկը. համբուրեցի Իշխանութեան Սիւներուն ձեռքերը և անոնց ամէնէն խոշոր այլանդակութիւններուն, այո՛, անշո՛ւշտ, հա՛րկաւ, կը պատասխանեմ այսօր: Այն ատեն կամաց կամաց դադրեցուցին զիս հալածելը, բայց որովհետեւ տակաւին վստահութիւն չունին վրաս, զընդապետութենէ վեր չպիտի բարձրանամ բնաւ: Հրամանատարներ կը ձանձնանք երկուքս ալ, որ տասնեւհինգ տարու են և մարաջախտներ որ տասնեութը տարու չի կան գեռ: Փաջ մարտիկներ գիտենք որ հը-

տացան լեցնելու ձեւը չգիտեն. յիսուն տարեկանս ընկողցած եմ այսօր, և թշուառութեան մէջ պիտի մեռնիմ, անբժշկելի կասկածանքի բեռին տակ ընկճուած, որովհետեւ գիտեմ թէ ինչպէս գունդերը կը վարեն և թէ ի՞նչպէս կարելի է երեք ամիսէն սահմանի բոլոր թիւրքմէններուն հախէն գալ: Անիծեալ ըլլան սա աւարդ Եւրոպացիները որ մեր թշուառութիւններուն պատճառ եղան: Ինծի անցուր սա օղիին շիշը:

Այնչափ խմեցինք այդ գիշերը որ հազիւ յաջորդ օրուան իրիկունը կրցայ ոտքի կանգնիլ վրան պառկած մնացած գորգիս վրայէն, ուր ընկերս կը խորդար տակաւին:

Կը յուսամ թէ մինչև տարեգլուխ, Ապտուլլահի պաշտպանութեան շնորհիւ պիտի կրնամ համարակալ նշանակուիլ, եթէ երբեք հազարապետ չըլլամ: Ինչալլահ, ինչալլահ:

Վ Ե Ր Զ



ԿԻԻԹԷՄՊԵՐԿ ՄԱՏԵՆԱՇԱՐԸ

Կ'ստանձնէ հրատարակչութիւնը՝ վէպերու, թատերգութիւններու, դասագրքերու եւ ամեն տեսակ գրքերու:

ԿԻԻԹԷՄՊԵՐԿ ՄԱՏԵՆԱՇԱՐԻ

տեխնիկական ՏՊԱՐԱՆԻՆ մէջ, կը տպագրուին բերքեր, հանդէսներ, հրատարակչութիւնը, վաճառականական ու ամեն տեսակ տպագրական գործեր:

Տպարանին նշանաբանն է

••••• ՈՒՂՂԱՄՏՈՒԹԻՒՆ ԵՒ ՅԱՐԱՏԵՒՈՒԹԻՒՆ •••••

ՀՐԱՊԱՐԱԿ ԵԼԱԾ Է

Տիեզերածնունդի թատերագիր ՀԱՆՐԻ ՊԱԹԱՅԼԻ խիստ գնահատուած մէկ թատերգութիւնը

ՅԻՄԱՐ ԿՈՅՍԸ

Թարգմանու Դեամբ ծանօթ հեղինակ Պ. ՍՄԲԱՏ ԴԱԼԻՆԻ Ե ուր ներկայացուած է նաև Պ. Հ. Տրամաթիքի կողմէ խիստ յաջողութեամբ:

Կեդրոնատեղի՝ Պոլիս, Պապը Ալի ճատտէսի, ՇԷՄՍ տպարանի շէնքին մէջ «Կիւթէմպէրկ»: Գին 60 լրշ.:

ՄԱՍԼՈՅ ՏԱԿ ԵՆ

Հ. ՊԱԹԱՅԼԻ երկու ուրիշ նշանաւոր գործերը

”ՄԵՐԿ ԿԻՆԸ“

ԵՒ

”ՀԱՐՍԱՆԵԿԱՆ ՔԱՅԼ ԵՐԳԸ“

Ինչպէս նաև ԱՐԲԱՅ ԲՐԷՎՈՅԻ տիեզերահռչակ

ՄԱՆՕՆ ԼԵՍՔՕ

անուն սիրային վէպը, չքեղ տպագրութեամբ և մեծադիր գունաւոր պատկերներով:

1823

20